

TRACTATUS QUATUOR  
ANATOMICI  
DE  
AURE  
HUMANA,  
TRIBUS  
FIGURARUM TABULIS  
ILLUSTRATI,  
AUTORE  
IOANNE FRIDERICO CASSEBOHM  
MED. D. ET PROF. PUBL.

---

HALÆ MAGDEBURGICÆ  
SUMTIBUS ORPHANATROPHEI  
MDCCXXXIV.



REVISED EDITION  
ANATOMY



THE  
HUMAN  
TRUNK  
FIGURES

ILLUSTRATED BY  
JOHANN FRIEDRICH CASPER

---

WILLIAM B. SAUNDERS  
PUBLISHERS  
PHILADELPHIA



**V I R O**

*PER-ILLUSTRI* *atque* *EXCELLEN-*  
*TISSIMO*

**D O M I N O**

**DOMINO SAMUELI**

**L. B. DE COCCEJI.**

**POTENTISSIMI PRUSSIAE REGIS**  
**MINISTRO STATUS INTIMO;**

**CONSISTORII AC SUPREMAE CURIAE**  
**ELECTORALIS MARCHIAE**  
**PRÆSIDI PRIMARIO;**

**RERUM ECCLESIASTICARUM**  
**DIRECTORI**

**AC**

**REGIARUM ACADEMIARUM OMNIUM**  
**CURATORI SUPREMO;**  
**&c. &c.**

**MÆCENATI AC DOMINO SUO**  
**GRATIOSO.**



**VIRO**

*ILLUSTRI atque EXCELLENTISSIMO*

**DOMINO**

**DN. FRIDERICO**

**DE REICHENBACH.**

**POTENTISSIMI PRUSSIAE REGIS  
A CONSILIIS INTIMIS;**

**CONSISTORII AC SUPREMI DIRECTORII  
ECCLESIASTICI  
PRÆSIDI;**

**REGIARUM ACADEMIARUM OMNIUM  
CURATORI.**

**&c. &c.**

**MÆCENATI AC DOMINO SUO  
GRATIOSO.**



**VIRI**  
**PER-ILLUSTRIS, ILLUSTRIS**  
**ATQUE EXCELLENTISSIMI,**  
**DOMINI GRATIOSI.**



Um VOBIS potissimum  
rationem muneris, quo  
in hac Academia ex  
CLEMENTISSIMI  
REGIS nostri decreto  
functus hucusque sum, reddendam  
esse



esse existimarim: publice etiam id præ-  
standi occasionem, simulque devo-  
tam VOBIS mentem testificandi me  
nactum esse, magnopere gaudeo. Ius-  
sus equidem sum anatomicas præfer-  
tim lectiones publicas privatasque  
instituere, in quibus quemadmo-  
dum me geram, Proceres hujus Aca-  
demiæ bis retulisse gratiose recorda-  
bimini. Sed incumbit mihi præter-  
ea, non solum præsentibus audito-  
ribus, verum etiam absentibus qua-  
licunque mea opella prodesse: qua-  
propter hos composui tractatus.  
Citius jam hoc in me suscepissem,  
nisi tempora, quibus circumscri-  
bor, & molestiæ complures ortæ  
obices mihi posuissent. Animum  
pro-



propterea omnem ea superandi fere  
demissem : nisi singularis VE-  
STRA erga me Benevolentia illum  
erexisset, quippe qui, mihi ante ali-  
quot tempus Berolini versanti, non  
solum copiam VOS obsequentissi-  
me conveniendi permittebatis, sed  
& Patrocinio VESTRO gratiofo  
me tegere dignabamini. Eadem  
igitur gratia, MÆCENATES pie  
suscipiendi, hos tractatus, quos VO-  
BIS submisse offero, respiciatis impen-  
se rogo. DIVINUM NUMEN,  
VOS, VIRI PER-ILLUSTRIS atque  
ILLUSTRIS, qui saluti atque incre-  
mento Academiæ AUGUSTIS-  
SIMI REGIS nostri, indefesso labore  
studioque invigilatis, cum Splendi-  
dis-



diffimis Familiis VESTRIS quam  
diutissime salvos esse jubeat atque  
incolumes. Ita precatur

PER-ILLUSTRIS ET IL-  
LUSTRIS

NOMINUM VESTRORUM

Halæ  
d. 6. Sept. 1734.

*obsequentissimus Client*

IOANNES FRIDERICUS CASSEBOHM.





## LECTORI BENEVOLO S.



**I**N dissertatione mea de  
*aure interna*, Franco-  
furti cis Viadrum ante  
quatuor annos habita,  
quam primum integri  
huius organi historiam publici juris  
facere equidem promiseram: verum  
a ob



ob multa impedimenta fidem datam nunc demum, eamque ex parte tantum liberare possum. Consultum autem duxi rem ab ovo inchoare, quia animadverti, quædam in dissertatione mea emendanda, quædam etiam addenda esse. Quapropter Tibi, B.L., quatuor tractatus nunc sistuntur, quorum primus os temporum explicat: secundus de aure agit externa: tertius cavitationem tympani describit: quartus contenta hujus cavitationis exponit. Hinc inde sicco, ut ajunt, pede transii quædam, quæ jam a celeb. Anatomicis accurate descripta sunt, ad quos L.B. remitto. Malui enim, quanta potui brevitate & perspicuitate, meas observationes in libellum redigere, quam ex alienis volumina



lumen magnum confarcinare. Alii adhuc tractatus de eodem auditus organo, Deo volente, subsequantur, ad quos nonnulla pertinent, quæ Tab. 1. fig. 3. lit. x. & Tab. 3. fig. 26. lit. g. inserui, quorum anticipatam communicationem benevole interpreta-beris, cum ibi commode collocari potuerint, prætereaque a me noviter sint detecta. Imo, quod sine ja-ctantia dixerim, plerasque has delineationes frustra apud alios Anatomicos quæres. In componendis vero his tractatibus mihi hos scopos proposui. Ut primo per auris anatomiam Numinis Divini Sapientia innotescat: Deinde ut usus partium hujus organi, ab Autoribus hucusque traditus, vel confir-metur,



PRÆFATIO.

---

metur, vel emendetur, vel novus addatur, unde Acustica perfectior fiet: denique ut morbi facilius dignosci, atque curari queant. Quem triplicem finem, si te iudice, L. B. attigerim, animus ad cœpti operis continuationem erigetur. Faxit DEUS feliciter. Vale.

PRO-





PROLEGOMENA  
DE  
AVRE HUMANA.

§. 1.



Organon illud, quo sonum percipimus, *aurem*. Quid auris nominamus, de qua acturus ea potissimum adducam, quæ observationibus atque experimentis mihi innotuere. fit; & quid de ea dicendum,

§. 2. Observamus autem aurem maxima ex parte sitam esse in eo cranii osse, quod os temporum appellatur; ex parte vero huic exterius annecti. Auris connectio cum osse temporum.

§. 3. Pro hac igitur relatione, auris alia pars extra os temporum reperitur, *aurisque* nominatur *externa*, alia intra hoc os, ideoque *interna* vocatur. Partitio auris.

§. 4. Cum os temporum discrimen illud inter aurem externam & internam constituat, prouti partes sunt extra vel intra idem os (§. 3.): in harum auris partium consideratione, ossis temporum mentio simul necessario facienda est. Ergo ante considerationem auris os temporum distincte est explicandum. Cur os temporum præmittatur,

§. 5. In consideratione vero ossis hujus, nomina partium auris necessario occurrent; qua propter ea hujus ossis descriptioni sunt præmittenda. Cur nomina partium auris adducantur.



Partes auris  
externæ.

§. 6. Sunt autem auris externæ partes: I) *auris externa* proprie sic dicta, ad quam referuntur helix, antihelix, tragus, antitragus, lobus, concha, muscoli &c. II) *Meatus auditorius externus*, qui ex cartilagine, glandulis, membranis &c. componitur.

& internæ.

§. 7. Partes auris internæ sunt hæ duæ: I) *Cavitas tympani*, ad quam membrana tympani, tuba Eustachii, sinuositas mastoidea & cellulæ ejusdem processus, foramina ovale, rotundum, ossicula auditus, nempe malleus, incus, stapes atque orbiculare; porro muscoli horum ossiculorum, chorda tympani, hujus chordæ canalis, denique membranæ, vasa, nervi &c. nominatæ cavitatis referuntur. II) *Labyrinthus*, ad quem canales tres semi-circulares, superior, inferior, atque externus; porro vestibulum, cochlea, canalis auditorius internus, canalis Fallopii, nervus auditorius, vasa &c. pertinent.

Earum deno-  
minatio hic  
sufficit.

§. 8. Sufficit considerationi ossis temporum præmississe partium auris notiones tantum claras (§. 6, 7.): distinctæ autem infra, in earum accuratiori explicatione occurrent.

## TRACTATUS PRIMVS.

DE

## OSSE TEMPORVM.

§. 9.

Ossis tempo-  
rum Situs.

**O**ssis temporum inter ossa bregmatis, cuneiforme, & occipitis situm est, atque ita quidem, ut ei in superiore regione os bregmatis, in anteriore parte os cuneiforme, in posteriore autem loco, os occipitis sit contiguum.

Figura.

§. 10. Ex partibus os temporum quidem compositum est, quarum quælibet figuram habet aliqualem, geometricè determinabilem: sed ex harum partium compositione



tione figura ossis temporum oritur talis, cui nullum nomen convenit in Mathesi huc usque receptum.

§. 11. Hoc os quoque eodem modo, ac reliqua cra- Substantia.  
nii ossa ex duabus constat lamellis, quarum vna externa, altera interna vocatur. His lamellis cellulæ interjacent, quæ in foetu, infante recens nato & aliquot annorum, distinctius quam in subjectis reliquarum ætatum conspiciuntur.

§. 12. Ossis temporum partes sunt duæ, Squamo- Partes,  
squamosa &  
petrosa pro-  
priae.  
sa (a) nempe & petrosa (b), quæ sunt partes propriæ. *Partes* autem in Anatomia *proprias* appello eas, quæ per membranam, futuram, & cartilaginem inter se connectuntur. Pars squamosa & petrosa tali modo in infante recens nato conjunguntur: quamobrem pars squamosa & petrosa in infante partes ossis temporum propriæ sunt. Hæ partes postea quidem concreſcunt, sed inter illas, in cranii cavitate, distinctio lineæ instar remanet, quæ in adulto (c), imo in sene sæpe conspicitur. Quare pars squamosa & petrosa, etiam in adulto, & sene pro partibus ossis temporum propriis haberi possunt.

§. 13. *Partes* in Anatomia *improprias* nomino eas, Impropriae,  
Superficies,  
Sinuositates  
&c.  
quæ ad partem propriam immediate pertinent, ita, ut ei non per membranam, futuram, cartilaginem &c. nexæ sint & quæ ad discernendas partes proprias faciunt. Superficies autem, sinuositates, apophyses, foramina, &c. ad partem propriam immediate pertinent, ita, ut ei non per membranam, futuram, cartilaginem &c. nexæ sint, & ad discernendas partes proprias faciunt, ergo sunt partes impropriae. Ejusmodi partibus os temporum etiam gaudet. Has igitur propter nexum immediatum, quem cum hujus ossis partibus propriis habent, simul exhibere opus habeo.

A 2

§. 14.

- a) Tab. 1. fig. 1, 2, 3, 4. lit. a. & tab. 2. fig. 6.  
b) 1. 1. lit. h. fig. 3. lit. d. fig. 4. lit. g. & tab. 2. fig. 1, 2, 3, 4.  
c) 1. 4. h.



Pars squamo-  
sa ejus No-  
men Figura,  
Situs,  
Superficies,

Lamellæ eo-  
rumque Mar-  
gines,

Interstitium  
inter hos.

Superficies  
interna,  
ejus Protube-  
rantiae,

Sulci,

§. 14. *Pars squamosa*, (§. 12), a figura & nexu cum osse bregmatis, cui uti squama squamæ incumbit, nomen accepit (d). Ampla est, semicircularis, & situm præ parte petrosa superiorem obtinet. Duas habet *superficies*, quarum *externa* aliquantum convexa, *interna* concava est, utrumque tamen distinctius in adulto, quam in infante apparet. *Lamella externa*, superficiem externam (e) & marginem hujus partis semicircularem constituit (f). *Lamella interna* superficiem ejusdem partis internam (g) format, & in puero, ac in adulto, infra illum marginem, de quo modo dictum fuit, alium format (h), qui superficiem internam circumscribit. Interstitium, quod in adulto inter utrumque marginem reperitur (i), ossi bregmatis incumbit. In infante lamella internatali margine eminente non gaudet, nec interstitium inter utrumque marginem adeo evidens est.

§. 15. Partis squamosæ superficies interna, quæ a lamella interna formatur (§. 14.) jam quidem in puero, distinctius tamen in adulto, & fene hinc inde protuberat (k), atque, uti *Vesalius* observavit, secundum cerebri revolutionum, quæ intestinorum gyris comparantur, effigiem (l). Eadem quoque superficies sulcos exhibet, ab arteria duræ matris factos, in infante recens nato aliquantum (m); in adulto

d) Tab. 1. fig. 1, 2, 3, 4, lit. a. & tab. 2. fig. 6.

Carol. Stephanus de dissectione partium corpor. humani Paris. 1545.  
lib. 1. cap. 9.

Columbus de re anatomica. Francofurt. 1590. pag. 37.

Albinus de ossibus corpor. humani. Leidæ 1627. §. 25.

e) Tab. 1. fig. 1, 2. lit. a.

f) 1. 4. c.

g) 1. 3, 4. a.

2. 6.

h) 1. 4. b.

& Casserius in tabul. anatomic. adject. anatomiae Spigelii Franco-  
cof. 1632. libr. 2. tab. 6. fig. 8.

i) Tab. 1. fig. 4. lit. d.

k) Tab. 1. fig. 4. lit. e.

l) Corpor. human. fabric. Basil. 1543. pag. 31.

m) Tab. 1. fig. 3. lit. b.



ulto (n), & sene autem distinctius conspiciendos. Lamella partis squamosæ interna, inferius a lamella partis suæ externa distat, per quam distantiam cavitas parva formatur (o), ad quam cellulæ quædam (p) pertinent. Denique partis squamosæ superficies interna parti petrosæ per suturam spuriam jungitur (q), & cum hac parte parietem superiorem cavitatis tympani constituit. Non procul ab hac conjunctione, lamella partis petrosæ interna in infante recens nato foramen habet (r), per quod ramus arteriæ, quæ duræ matri prospicit, ad ossis substantiam fertur, cujus tamen foraminis in adulto nullum remanet vestigium.

Distantia  
Lamellæ internæ ab externa.  
Cavitas, Cellulæ,  
Superficiei internæ conjunctione cum parte petrosa.

§. 16. Partis squamosæ superficies externa a lamella externa constituitur, e qua processus Zygomaticus (s) educitur, qui vera est apophysis, radicem habens in adulto latam & crassam; deinde coarctatur hic processus, iterumque parum latior factus, ossi jugali jungitur. Processus Zygomaticus in adulto est arcuatus, superficiem nempe unam, quæ externa est, convexam, alteram vero, quæ interna est, concavam habens: in infante autem recens nato magis est rectilineus.

Superficies externa.  
Processus Zygomaticus.

§. 17. Supra processus Zygomatici radicem cel. Santorini canalem observavit, per quem fibræ quædam musculi temporalis ad maxillam inferiorem tendunt (t). Hic canalis, quem *Casseri* jam delineavit, licet ab eodem nulla littera notatus, nec in explicatione figuræ descriptus sit (u), fulcum magis quam canalem refert, atque in quibusdam tantum adultis cernitur. Ad ejusdem processus radicem emi-

Sulcus Santorini.  
Eminentia,

A 3

nentia

n) Tab. 1. fig. 4. lit. f.

o) 2. 6. b.

p) 2. 6. d.

q) 1. 3. g.

r) 1. 3. c.

s) 1. 1, 2. b.

t) Observation: anatomic. Venet. 1724. cap. 1. §. 37.

u) Tab. anatomic. adject. anatom. Spigelii Libr. 2. tab. 6. fig. 7.

vid. etiam tab. meam 1. fig. 2. lit. i.



& Cavitas  
transversalis.  
Ufus utrius-  
que.

Eminentia

& Sinuositas,  
in qua  
Eminentia &  
cavitas.  
Superficie  
externæ  
conjunctio  
cum parte  
petrosâ.

Pars petrosa,  
ejus Nomen,  
Substantia.  
Figura pyra-  
midalis,  
hujus Basis,

nentia est, quæ transversalis vocatur, & in infante parum (v); in adulto autem magis protuberat (w), eandemque cum condylo maxillæ inferioris directionem habet (x). Ad hujus eminentiæ latus cavitas reperitur, quæ eandem cum eminentia directionem obtinet, sed in infante non adeo profunda est (y) quam in adulto (z). Tam eminentia quam cavitas articulationi maxillæ inferioris inserviunt.

§. 18. Infra processus Zygomatici radicem eminentia in infante parva (a), in adulto major (b) observatur. Post hanc eminentiam sinuositas est, in infante parva nec profunda (c); in adulta autem magna & profunda (d), in qua sinuositate eminentia admodum parva, & ad latus ejus cavitas valde exigua in adulto apparet (e); in subjectis junioribus vero utraque deest. Deinde in infante recens nato superficies partis squamosæ externa, mediante cartilagine, parti petrosæ, supra processus mastoidei radicem jungitur (f).

§. 19. Altera ossis temporum pars vocatur petrosa (§. 12), quia est durissima & petræ figuram refert (g). Pyramidi quoque comparatur (h), cujus extremitas una *basis* (i) vocatur, quæ crassa, lata & extrorsum sita est, atque ad capitis partem posteriorem, nempe os occipitis vergit; altera

v) Tab. 1. fig. 1. lit. c.

w) 1. 2. c.

x) Anonym. dissertation critique sur les ouvrages de Petit. Paris. 1726. pag. 19.

y) Tab. 1. fig. 1. lit. d.

z) 1. 2. d.

a) 1. 1. e.

b) 1. 2. e.

c) 1. 1. g.

d) 1. 2. g.

e) 1. 2. h.

f) 1. 1. i.

g) Vesalius libr. cit. pag. 33.

Columbus libr. cit. pag. 44.

h) Aquapendens de auditu Patav. 1600. part. 1. cap. 2.

Winslow exposition anatomique Paris 1732. tom. 1. part. 1. no. 263.

i) Tab. 1. fig. 1, 2. lit. n. fig. 3. lit. e. fig. 4. lit. i.

2. 1, 2. c.



altera *apex* dicitur (k), quæ magis introrsum sita est ac an-  
trorsum ad fellam equinam vergit. In infante recens nato  
hic apex admodum obtusus (l); in adulto autem acutus est  
& fulco profundo gaudet (m).

Apex.

§. 20. Quando pars petrosa a parte squamosa se-  
paratur, tunc quatuor superficies, a lamella externa forma-  
tæ, distingui possunt, quarum duæ *superficies internæ* sunt,  
in cranii cavitate; duæ vero *externæ*, extra hanc sitæ. Una  
superficierum internarum superiorem in tota parte petrosa  
locum obtinet, hinc *interna & superior* vocari potest (n):  
Altera superficies infra marginem, qui inter utramque su-  
perficiem internam ducitur (o), situm ad latus prioris su-  
perficiei obtinet, ac *interna & inferior* nominari potest (p).

Superficies  
quatuor,  
duæ internæ,  
externæ.

Internarum  
nomina spe-  
cialiora.

Margo inter  
eas.

§. 21. Superficierum externarum una inferiorem  
in parte petrosa, versus collum, locum obtinet; hinc *ex-  
terna & inferior* vocari potest (q). Altera superficies super  
marginem, conspicuum inter utramque superficiem exter-  
nam (r), situm ad latus prioris superficiei obtinet, a quo  
nominari potest *externa & superior* (s).

Externarum  
nomina spe-  
cialiora.

Margo inter  
eas.

§. 22. Inter utramque superficiem internam, a ba-  
si usque ad apicem, observatur margo (§. 20), qui in infan-  
te recens nato obtusus (t); in puero autem & adulto acu-  
tus est, & sulcum modo magis modo minus profundum ha-

Ufus Margi-  
nis cum Sul-  
co inter in-  
ternas.

bet

k)	Tab. 1. fig. 1, 2.	lit. m.	fig. 3. lit. f.	fig. 4. lit. k.
	2.	1, 2.	d.	
l)	1.	3.	f.	
	2.	1.	d.	
m)	1.	2.	m.	
	2.	2.	d.	
n)	1.	3.	h.	fig. 4. lit. l.
o)	1.	3.	r, s.	4. q.
p)	1.	3.	q.	4. p.
q)	1.	1.	p.	
	2.	1, 2.	b.	
r)	1.	1.	q, q.	
	2.	3.	s.	
s)	2.	3. 4.		
t)	1.	3.	r, r.	



bet (u), cui margini processus duræ matris inferior, cerebrum a cerebello separans, annectitur, atque in ejus fulco, parvus quidam duræ matris sinus observatur (v).

Superficies  
interna & su-  
perior.  
Canalis femi-  
circularis su-  
perior.

Sulcus.

in quo Fora-  
mina, &  
Hiatus cana-  
lis Fallopii.

Foramen Ca-  
nalis pro Ca-  
rotide,

Tubæ Eusta-  
chii Orifi-  
cium.  
Foramina  
Valsalvæ.

§. 23. In superficie interna & superiori, versus ba-  
sin, in infante recens nato, canalis semicircularis superi-  
or (w) animadvertitur & a superficie superiore ad inferio-  
rem descendit; in puero autem & adulto, idem canalis in  
hac superficie sola situs, ac ibidem a lamella externa partis  
petrosæ tectus est (x). In superficie superiore, apud infan-  
tes recens natos, sulcum observavi, in adulto plerumque  
disparentem, in cujus parte anteriore æque ac posteriori,  
foramina conspiciuntur (y). In hujus sulci medio, in in-  
fante recens nato, canalis Fallopii (§. 7) instar duorum fora-  
minum hiat (z); qui hiatus autem in adulto magna ex par-  
te a lamella ossea tegitur (a).

§. 24. Præterea se offert in superficie interna & su-  
periore, versus apicem, foramen (b), vel extremitas una  
canalis istius, per quem arteria carotis interna cranii cavitatem  
intrat, & nervus intercostalis egreditur. Ad hujus fo-  
raminis latus externum, tubæ Eustachii (§. 7) orificium con-  
spicitur (c). In eadem superficie apparent apud infantem,  
foramina exigua (d), a *Valsalva* indicata (e), situ numero-  
que admodum variantia, ac rarissime in adulto observanda.

pro-

u) Tab. 1. fig. 4. lit. q.

v) Vieussens Neurographie Lugd. Gall. 1685. libr. 1. cap. 13. fig. 17.  
lit. k. Ridley anatomia cerebri Lugd. Batav. 1725. fig. 2.

lit. d.

w) Tab. 1. fig. 3. lit. p.

2. 1. g.

x) 1. 4. o.

y) 1. 3. i, l.

z) 1. 3. k.

a) 1. 4. m.

2. 4. a.

b) 1. 1, 2. l. fig. 3. lit. o. fig. 4. lit. n.

c) 1. 1, 2. k. 3. m.

d) 1. 3. n.

e) De aure humana Traject. ad Rhenum 1707. cap. 2. §. 14.



Hæc superficies in puero & adulto satis notabilem format productionem, quæ fissuram (f) intrat; in infante autem hæc productio est parva (g), nec ad fissuram citatam se extendit (h). Denique hæc superficies parti squamosæ per suturam spuriam jungitur (i) & cum hac parte parietem cavitatis tympani superiorem constituit.

§. 25. In partis petrosæ superficie interna & inferiori cavitas reperitur, in infante parva nec profunda (k); in adulto autem ampla & profunda (l), in qua duræ matris sinus lateralis terminatur. In hac superficie, in infante recens nato, canalis semicircularis inferioris (§. 7) portio protuberat (m), quæ in adulto a lamella externa partis petrosæ tegitur, & instar tuberculi apparet (n). Sub eodem canali in infante parva observatur cavitas (o), quæ in adulto ple- rumque ita coarctatur, ut rima modo remaneat (p). Porro in eadem superficie meatus vel canalis auditorius internus apparet (q).

B

§. 26.

f)	Tab. 1.	fig. 2.	lit. f.
g)	2.	3.	o.
h)	1.	1.	f.
i)	1.	3.	g.
k)	1.	3.	v.
	2.	1.	h.
l)	1.	4.	v.
	2.	2.	i.
m)	1.	3.	t.
	2.	1.	i.
n)	1.	4.	t.
	2.	2.	g.
o)	1.	3.	u.
	2.	1.	k.
p)	1.	4.	u.
	2.	2.	h.
q)	1.	3.	w.
	2.	1, 2.	e.

fig. 4. lit. z.



Cavitas.

§. 26. Inter hunc canalem auditorium & canalem semicircularem superiorem cavitas in infante apparet (r), quæ in adulto sic coalescit, ut rima parva relinquatur (s).

Ejus usus.

Hujus cavitatis usum Anatomicos latere refert *Kerckringius* (t): eum autem hæc cavitas præstat usum, ut nempe duræ matris processus inferior, qui margini inter utramque superficiem internam annectitur (§. 22), in hanc cavitatem se insinuando, fibrasque ibidem in substantiam ossis immitendo, firmior evadat, & ita cerebrum sustinere queat, ne ab eodem cerebellum prematur.

Superficies externa &amp; inferior.

Foramen canalis pro carotide.

In quo hiatus &amp; foramina.

Cavitas pro jugulari interna.

Foramina in hac Cavitate

§. 27. In partis petrosæ superficie externa & inferiori occurrit foramen (u), quod extremitatem alteram canalis istius constituit, per quem ad cranii cavitatem carotis interna adscendit, nervus vero intercostalis egreditur (§. 24). In infante hujus canalis paries inferior hiatus habet (v), in fene etiam instar rimæ conspicuum; ejusdem autem canalis paries superior foramina duo vel tria, tam in infante quam in adulto exhibet (w). Plura videantur apud *Cel. Albinum* (x). Ad hujus canalis latus cavitas in infante parva, nec adeo profunda (y); in adulto autem magna & profunda observatur (z), ubi venæ jugularis internæ principium deprehenditur. In eadem cavitate, imo & circa eam, foramina parva conspiciuntur (a).

§. 18.

r) Tab. 1. fig. 3. lit. s.

2. 1. f.

& Coiterus tab. part. corpor. human. Norimberg. 1572. pag. 61. fig. 3.

s) Tab. 1. fig. 4. lit. s.

2. 2. f.

t) Osteogen. foet. Amstelod. 1670. pag. 223.

u) Tab. 1. fig. 1. lit. r.

2. 1. m. fig. 2. lit. q.

v) 2. 1. n.

w) 2. 2. q.

x) Libr. cit. §. 62.

y) Tab. 2. fig. 1. lit. l.

z) 2. 2. p.

a) 2. 1. l. fig. 2. lit. p.



§. 28. Superficies externa & inferior parietem in-feriorem cavitatis tympani constituit & productionem for-  
mat, quæ sursum inflexa est (b) & cum annulo parietem  
externum cavitatis tympani componit. In eadem superfi-  
cie *foramen* apparet, quod *stylo-mastoideum* vocatur (c),  
& canalis Fallopii extremitas inferior est. In infante recens  
nato hoc foramen ad superficiem externam & superiorem (d)  
pertinet, crescente vero postea hoc canale, foramen sty-  
lo-mastoideum a superficie externa & superiore sensim rece-  
dit, atque ad superficiem externam & inferiorem anno  
ætatis secundo accedit.

§. 29. Similiter processus styloideus in foetu, & in  
infante recens nato in superficie externa & superiore situs  
est (e), qui autem in infante unius anni, & in reliquarum  
ætatum subjectis ad superficiem externam & inferiorem per-  
tinet (f). Hic processus in foetu annulo subjacet (g); non  
vero ei incumbit, prouti refert eumque delineat *Kerckrin-*  
*gius* (h), qui etiam hunc processum ex annulo oriri dicit,  
& illum ita delineat (i): utrumque tamen minus recte. *Du-*  
*Verney* (k) & *Schelhammerus* (l) hunc processum ad canalem  
auditorium externum osseum retulerunt. Sed quia hic pro-  
cessus jam in foetu adest, prouti modo dixi, longe ante-  
quam hic canalis oritur (§. 35), consequens est, ut ad cana-  
lem auditorium referri nequeat.

B 2

§. 30.

b) Tab. 1. fig. 1. lit. β.

2. 3. l.

c) 2. 2. n. fig. 4. lit. h.

d) 1. 1. u.

2. 3. e.

e) 1. 1. s.

2. 3. f.

f) 1. 2. s.

2. 2. o. fig. 4. lit. g.

g) 3. 22, 23. f.

h) Libr. cit. pag. 221, 277. tab. 34. fig. 2.

i) ibid. pag. 221. tab. 38. fig. 2.

k) Traité de l'organe de l'ouïe Paris 1683. tab. 4. fig. 2.

l) De auditu Lugd. Batav. 1684. pag. 23. & tab. 1. fig. 3.



Superficies  
externa & su-  
perior.

In qua in in-  
fante fulcus.

Foramen sty-  
lo-mastoi-  
deum.

Processus sty-  
loideus

& mastoideus

Qui in adulto  
quoque ad  
hanc superfi-  
ciem perti-  
net.

Processus  
mastoidei  
magnitudo.

Sulcus.

Cellulae.

Superficie  
externae & su-  
perioris con-  
junctio cum  
parte squa-  
mosa.

Annulus.

Ejus Figura,  
Situs genera-  
lis.

§. 30. Partis petrosæ superficies externa & superior ad tympani cavitatem formandam, quoad maximam portionem, de qua infra (§. 84) sermo erit, concurrat: ad reliquam vero ejus portionem, in infante recens nato fulcus, foramen stylo-mastoideum, processus styloideus & mastoideus pertinent. De sulco infra (§. 100) agatur. Quia in infante, post annum primum, processus styloideus (§. 29) & circa annum secundum, foramen stylo-mastoideum in superficie externa & inferiore apparent (§. 28), idcirco illorum mentio jam facta est (§. 28, 29); processus vero mastoideus in omni ætate ad superficiem externam, & superiorem pertinet, ideoque hoc loco considerandus venit.

§. 31. Processus mastoideus in infante recens nato instar tuberculi aliquantum eminet (m). Magnitudo ejus tam in subjectis statura æqualibus quam inæqualibus variat. In hujus processus superficie, quæ ossis occipitis condylum respicit, in puero & adulto fulcus observatur (n), cui musculus biventer accrescit, atque in iisdem subjectis hic processus inferius, sive in sua substantia, cellulas (o) habet. Radici illius musculi quidam auris externæ inferuntur, & supra hujus processus radicem, partis petrosæ superficies externa & superior, parti squamosæ per cartilaginem jungitur (p).

§. 32. Præter duas hucusque recensitas ossis temporum partes proprias, in foetu & infante ossiculum apparet, quod ob figuram, quam habet, *annulus* vel *circulus* vocatur (q). Hic infra partem squamosam & ante petrosam situs est. In foetu cum parte squamosa & petrosa laxè cohæret,

m) Tab. 1. fig. 1. lit. t.

2. 2. c.

n) 2. 2. m.

o) 2. 4. k.

p) 1. 1. i.

q) 1. 1. x. y. z.

2. 5, 6.

3. 21.

d. fig. 22. lit. g. fig. 23. lit. i.



ret, eamque ob causam in eo pro osis temporum parte propria (§. 12) commodè haberi potest. Est pars propria in foetu.

§. 33. *Du Verney* asserit, in infante recens nato annulum ab osse temporum facile separari posse (r): hinc ex mente ejus, pars osis temporum tertia propria (§. 12) censenda esset. *Ruyfchius* contra observavit, annulum in ejusdem ætatis subjecto, a parte petrosa inferius quidem separari posse, superius autem osi temporum (parti nempe squamosæ;) per symphyfin sine medio jungi (s). Quare secundum *Ruyfchium*, annulus pro osis temporum tertia parte propria (§. cit.) non esset habendus, sed pro parte impropria (§. 13). Itemque in infante, secundum *Du Verney*.  
Pars vero impropria secundum *Ruyfchium*.

§. 34. Quæ observationes virorum præstantissimorum contrariæ, ut in connexionem hujus annuli eo diligentius inquirerem, me permoverunt. Ex tribus infantibus recens natis ossa temporum a perioftio caute liberavi, & in duorum subjectorum quatuor osibus, inter annuli partes superiores (§. 59) partemque squamosam, lineam observavi subtilissimam (t), quæ indicabat annulum cum parte dicta non concrevisse, sed ei tantum annexum esse. In reliquis vero duobus temporum osibus, ex tertio infante depromtis, linea ista non apparebat, sed annulus cum parte squamosa os continuatum referebat. Eadem porro sex ossa per aliquot dies in aqua maceravi, deinde per horam coxi, hocque decies repetii, tunc pars squamosa & annulus a parte petrosa facillime separari poterant. In osibus vero quatuor ante designatis, in quibus nempe lineam inter annuli partes & partem squamosam observaveram, pars annuli anterior (u) per coctionem a parte squamosa secesserat; pars vero annuli posterior (v), cum parte squamosa laxè adhuc cohærebat.

B 3

Deni-

r) Libr. cit. pag. 58.

s) Catalog. rarior. Amstelod. 1691. pag. 3, 4.

t) Tab. 1. fig. 1. lit. y, z.

u) 1. 1. y.

v) 1. 1. z.



Denique in duobus ossibus ex tertio infante, in quibus inter annuli partes & partem squamosam nullam observaveram lineam, annulus ab hac parte separari non poterat, utpote cum ea concretus. Quia vero annulus in foetu existit pars propria (§.32), & in plerisque infantibus recens natis a parte squamosa separari potest: hinc annulus in infante pro ossis temporum parte propria haberi potest, & quia præterea pars squamosa & petrosa duæ partes propriæ ossis temporum jam sunt (§.12), ergo annulus est tertia pars propria.

Quando canalis auditorius osseus externus oriatur. Ejus situs Est pars impropria.

Sententiæ Schelhammeri, Du Verney, Coiteri, & Riolani de hoc canale refelluntur.

§. 35. Annulum ad quartum usque ætatis annum distincte adesse, affirmat *Du Verney* (w). Sed jam versus annum secundum juxta *Cel. Waltheri* (x) & meas observationes, apparet meatus vel canalis auditorius osseus externus (y), qui infra partem squamosam & ante petrosam situs est. Tam autopsia, quam experimenta circa hunc canalem simili modo, ac circa annulum instituta (§.34), probant, canalem a prima statim ejus formatione, cum parte squamosa & petrosa firmiter concrevisse, ab iisque inseparabilem esse. Hinc facile liquet, hunc canalem partem ossis temporum impropriam esse (§.13), ac minus recte a *Schelhammero* tanquam ab osse temporum separatum describi & delineari (z), quorum posterius *Du Verney* quoque fecit (a). *Coiterus* (b) & *Riolanus* (c) asserunt, hunc canalem post nativitatem usque ad septimum mensem separari posse; at mense octavo, secundum *Ruysschii* observationem, hic canalis nondum adest (d); sed versus annum secundum demum accedit, prouti modo dixi. Imo, cum annulus non in

w) Libr. cit. pag. 58.

x) Disput. de membrana tympani Lips. 1725. §. 10.

y) Tab. 1. fig. 2. lit. o, p, q.

z) Libr. cit. pag. 23. & tab. 1. fig. 3.

a) Libr. cit. tab. 4. fig. 2.

b) Libr. cit. pag. 92.

c) Anthropograph. Paris 1626.

& Enchirid. anatomic. Paris 1648. pag. 63.

d) Catalog. rarior. pag. 6.



in omnibus infantibus recens natis separari queat (§. 34), multo minus id postea permittet canalis, qui ex annulo originem suam trahit, ejusque productio vera est & cum parte squamosa ac petrosa concrevit, quemadmodum jam significavi & inferius (§. 68) demonstrabo, ubi quoque de annulo & canale pluribus agam.

§. 36. In infante recens nato, pars petrosa interne, sive in cranii cavitate, parti squamosæ per futuram spuriam applicata (§. 15, 24) & per duram matrem nexa est; externe vera pars petrosa, supra processus mastoidei radicem, portioni posteriori partis squamosæ per cartilaginem tenuem juncta est (§. 18, 31). Annulus superficiei externæ & inferiori partis petrosæ mediante cartilagine agglutinatus; sinuositati vero partis squamosæ per membranam nexus est. Circa annum autem ætatis secundum pars squamosa, petrosa (§. 12) & canalis auditorius externus osseus inter se concrevisse observantur: sæpe tamen apud senem, inter partem squamosam & petrosam in cranii cavitate, distinctio lineæ instar remanet (§. 12).

Partium propriarum ossis temporum conjunctio.

§. 37. Ex supra (§. 9, 14, 16, 17) dictis patet, quibus cum ossibus os temporum connectatur; hic vero paucis notandum, quomodo ea connexio fiat. Partis squamosæ portio superior ossi bregmatis incumbit, idque per futuram spuriam efficitur (§. 14), eidemque ossi per duram matrem & pericranium nexa est. Partis ejusdem portio anterior, in infante ossi cuneiformi per futuram spuriam incumbit; in adulto autem eidem ossi per futuram veram nexa est. Processus Zygomaticus ossi jugali (§. 16) in infante per futuram spuriam; in adulto autem per futuram veram junctus est. Ad partis petrosæ apicem (§. 19) in infante; in puero autem & adulto, hujus apicis fulco (§. cit.), processus occipitis anterior, mediante membrana crassa annexus est. Similes membranæ crassæ in utroque capitis latere, inter os bregmatis

Ossis temporum cum ossibus vicinis conjunctio.

Observatio de fontanelis capitis posterioribus.



matis, occipitis & partis petrosæ basin expanduntur (e), quæ *Fontanellæ posteriores* vocatæ sunt a Cel. Nicolai (f) (successore Insignis Anatomici *Salzmanni*, Præceptoris olim mei, pie semper a me colendi, dignissimo, sed heu! morte præmatura orbi erudito & amicis erepto): Membrana hæc crassa ante ætatis annum primum disparet, tuncque partis petrosæ basis, os occipitis & bregmatis, per futuras veras juncta reperitur.

Reflexio super  
per conjun-  
ctionem ossis  
temporum  
cum vicinis.

§. 38. Ossis temporum cum ossibus cranii connectio (§. 37), licet firmior in senē sit quam in adulto, & in hoc magis firma quam in infante; attamen hæc connexio tanta non est, quanta reliquorum ossium cranii inter se, ex. gr. ossis frontis cum osse cuneiformi, & hujus ossis cum osse occipitis. Nam pars squamosa per futuram spuriam os bregmatis juncta est (§. cit.): Sutura autem spuria, vel squamosa, prouti illa quoque vocari solet, ossa minus firmiter, quam futura vera connectit: Siquidem in senibus, etiam iis, quorum futuræ veræ propter coalescentiam ossium non amplius sunt conspicuæ, inter partem squamosam & os bregmatis futuram observavi, quæ partis squamosæ ab osse bregmatis separationem admittebat. Processus quoque occipitis anterior, in senē a partis petrosæ apice separari potest. Quin & in iis craniis, quæ aeri libero, per aliquot annos expolita fuerunt, hiatus inter apicem & processum citatum apparet, membrana nempe crassa, quæ hæc ossa conjunxerat (§. cit.), penitus consumpta. Basin partis petrosæ vero in senibus cum osse occipitis aliquando concretam observavi.

Modus, quo  
dura mater  
periostrum  
internum os-  
sis temporum  
constituit.

§. 39. Os temporum in cranii cavitate a dura matre investitur, quam in duas lamellas partiri Anatomici solent, quarum ea, quæ *externa* vocatur, huic osi accrescit; *lamella* autem *interna*, super externam expansa, huic arcte annectitur. Circa partis petrosæ apicem, interna lamella

e) Coiterus libr. cit. pag. 61. fig. 4. lit. H.

Casseri de auditu. Ferrar. 1600. tab. 10. fig. 1.

f) Decad. observat. anatomic. Argentorat. 1725. observ. 15.



lamella ab externa secedit, & versus sellæ equinæ processus ejusdem lateris progreditur. Lamella vero externa, quando pervenit ad locum, ubi pars petrosa parti squamosæ per futuram spuriam incumbit (g), per eandem futuram ad tympani cavitatem productionem mittit. Reliqua vero hujus lamellæ portio, versus partis petrosæ apicem progreditur, ubi ab interna lamella secedit, & productionem format, quæ canalem pro carotide interna investit, & per eum ad partis petrosæ superficiem externam & inferiorem delata, ibidem cum ejusdem superficiei perioftio externo se conjungit. Deinde lamella externa ab apice partis petrosæ antrosum progreditur ad sellæ equinæ fundum, ejusdemque ossis cuneiformis partem lateralem investiendum.

§. 40. Per utriusque lamellæ duræ matris secessum, prope partis petrosæ apicem, interstitium formatur sat magnum, fibris varie sibi implicitis repletum, a quibus cavernulæ formantur. Hoc interstitium *sinus duræ matris cavernosus* vocatur, & præter carotidem internam ac nervos quosdam, sanguinem continet venosum. Formatio finis cavernosi duræ matris.

§. 41. Pericranium ossa cranii tegens exterius, & a vertice ad musculum temporalem progrediens, in duas abit lamellas, quarum una, quæ *externa* vocatur, & crassior est quam altera, quæ *interna* dicitur, super musculum temporalem descendit atque ad processum Zygomaticum accedit, cui accrescit & circa ejus radicem lamellæ pericranii internæ unita, super radicem illius processus versus cavitatem (h) descendit, cui juxta fissuram (i) accrescit. Lamella pericranii altera, quæ interna & tenuior quam externa est, musculo temporali substrata, super partis squamosæ superficiem externam ad processus Zygomatici radicem progreditur, circa radicem hujus processus autem lamellæ pericranii externæ unitur; hinc per foramen illud magnum, Modus, quo pericranium perioftium ossis temporum externum format.

C per

g) Tab. 1. fig. 3. lit. g.

h) 1. 1, 2. d.

i) 1. 1, 2. f.



per quod transit musculus temporalis, descendit atque eminentiæ transversali (k) accrescit.

Ortus membranæ, quæ os temporum cum maxilla inferiori connectit.

§. 42. Istæ pericranii lamellæ inde a cavitate & eminentia transversali, quibus accrescunt, novam formant productionem, quæ ad cartilaginem quandam mobilem, maxillæ inferioris condylo superimpositam, procedit; cujus cartilaginis margini hæc productio nequitur, & inde ad maxillæ inferioris condylum descendit, infra quem eidem ossi accrescit, hocque modo membranam sive ligamentum constituit, maxillam inferiorem ossi temporum annectens. Ligamentum hoc, cavitatem & eminentiam transversalem circumdans, probat utramque articulationi maxillæ inferioris inservire (§. 17).

Offificatio ossis temporum in foetu duorum, trium, quatuor,

§. 43. In foetu, quem duos menses in utero vixisse judicabam, loco partis squamosæ & annuli, nihil præter membranam observare poteram; pars autem petrosa mukum referebat spissatum. In trium mensium foetu, pars petrosa (l) cartilago; pars autem squamosa cum processu Zygomatico (m) itemque annulus (n), ossa reperiiebantur. In quatuor mensium foetu, pars squamosa (o) & annulus (p) creverant, parsque petrosa osseam induerat substantiam (q), superficies ejus interna & superior parietem cavitatis tympani superiorem jam formabat; partis petrosæ vero superficies externa & inferior parietem cavitatis tympani nondum constituebat. Apparebat autem in ea superficie fulcus (r), cui carotis interna annectebatur, processus etiam stiloideus aderat (s) cartilagineus.

§. 44.

k)	Tab. 1.	fig. 1, 2.	lit. c.
l)	3.	21.	a.
m)	3.	21.	c.
n)	3.	21.	d.
o)	3.	22.	i.
p)	3.	22.	g.
q)	3.	22.	k.
r)	3.	22.	e.
s)	3.	22.	f.



§. 44. In quinque mensium foetu (t), partis petrosæ superficies externa & inferior parietem cavitatis tympani inferiorem demum constituebat, creverant quoque ossis temporum reliquæ partes, quæ in foetibus sex &c. mensium, usque ad natiuitatis tempus, maiores & perfectiores evadunt, quarumque substantia cartilaginea in osseam sensim mutatur.

§. 45. Circa hujus ossis incrementum notandum, quod in foetu & infante partis petrosæ superficies interna & superior, longior & latior sit magisque versus aurem externam vergat, quam ejusdem partis superficies externa & inferior. Utraque superficies eodem modo in adulto se quoque habet. Hujus observationis usum esse uberrimum postmodum dicenda manifestabunt.

§. 46. *Kerckringii* relatio de osse temporum in foetu trium mensium (u), cum mea observatione de foetu totidem mensium convenit, excepto uno a me non animadverto, processu nempe stiloideo, quem ille vidisse vult, quippe qui mense quarto a me demum observatus est (§ 43), & uno, quod ego præter illum in foetu trium mensium vidi, osse, de quo mox iterum dicam. Idem Autor porro narrat, os temporum in foetu quatuor mensium ex tribus ossiculis constare, nempe osse squamoso, annulo & tertio quodam osse, quod annulo est subjectum (v). Hoc tertium os in foetu trium mensium jam observavi, prout modo dixi, plura autem de eodem osse infra (§. 108) occurrent. Consentit igitur etiam *Kerckringii* observatio altera & delineatio, cum ista mea observatione ossis temporum foetus trium mensium (w). Idem ille porro in foetu quinque mensium, partem petrosam circa processum mastoideum tria ossicula habere refert, quorum duo mense sexto coaluere (x): Verum

C 2

rum

t) Tab. 3. fig. 23.

u) Libr. cit. pag. 220, 221.

v) Libr. cit. pag. 222. &amp; ibid. tab. 34. fig. 2. lit. E.

w) Tab. 3. fig. 21.

x) Lib. cit. pag. 222. &amp; tab. 35. fig. 3.



rum in his mensibus, in loco indicato, nulla ossa peculiaria, sed cartilaginem vidi (y). Imo ne in foetu quidem quatuor mensium ejusmodi ossa, sed cartilaginem tantummodo reperi (z).

& concilian-  
tur.

§. 47. Diversitas, quæ inter has *Kerckringii* & meas observationes intercedit, si excipias ea, quæ idem de tribus partis petrosæ osficulis (§. 46), de tempore ortus processus styloidei (§. cit.) itemque de situ ejus (§. 29) refert, quæ aliter, ac ipse indicavit, de habent, inde exsurgit, quod foetuum per abortum ejectorum ætas difficulter cognosci possit: siquidem tam relatio muliercularum, tempus conceptionis accuratum sæpe ignorantium, facile fallit, quam ad- spectus ipsorum foetuum nullum ætatis certum præbet indicium, quippe quorum alius alio coævo major vel minor est. Idem affirmat quoque Insignis Anatomicus *Morgagni* (a). Quapropter *Kerckringii* observationes meis non tantopere contrariantur, prout videri posset.

Causæ situs  
ossis rempo-  
rum diversi  
in infante,

§. 48. Os temporum aliter in infante recens nato, quam in adulto situm est: nam pars petrosa cum ei annexa parte annuli inferiori, in infante admodum introrsum versus cranii basin posita est; pars squamosa vero cum ei annexis partibus annuli superioribus, versus aurem externam inclinat, cujus causa in eo quærenda: quod partis petrosæ superficies interna & superior, latior sit quam externa & inferior (§. 45); superficiei autem superiori pars squamosa cohæreat (§. 15, 24), ideoque hæc pars à pariete citato, perquam crescente, extrorsum urgeatur.

& adulto.

In adulto autem pars squamosa supra processum mastoideum in linea perpendiculari posita est, causa hæc subesse videtur: quod pars petrosa per incrementum canalis auditorii externi ossei & processus mastoidei, aurem versus externam valde au-geatur.

§. 49.

y) Tab. 3. fig. 23. lit. k.

z) 3. 22. h.

a) Adversar. anatomic. 2. Lugd. Batav. 1723. pag. 67.



§. 49. *Du Verney* & *Valsalva*, partium auris situm Vitium circa describentes, os temporum in tali situ, qui nunc describetur, eundem situm, cuius tamen nullam faciunt mentionem, adspexerint oportet. Nimirum si *Du Verney* recte capiendus, ossis temporum dextri, a reliquis cranii ossibus separati, superficies interna a *Du Verney* & inferior partis petrosæ plano horizontali imponatur, annulus vel canalis auditorius externus ei e perpendiculo superior teneatur; partis autem petrosæ apex manum versus dextram considerantis, & basis versus sinistram vergant. Ut ea, quæ *Valsalva* annotavit, intelligantur, annulus vel canalis auditorius externus plano horizontali incumbat, eique partis petrosæ superficies interna & inferior perpen- & *Valsalva* diculariter superior sit, partis petrosæ apex versus manum commissum observantis sinistram, basis autem versus dextram vergant.

§. 50. Sed quando os temporum dextrum, a reliquis cranii ossibus separatum, in situ naturali (§. 9) considerandum est: tunc illud plano cuidam horizontali, ex. gr. mensæ imponendum eo modo, ut, si ex adulto os est desumptum, pars squamosa supra processum mastoideum in linea perpendiculari sita sit; sin ex infante, pars squamosa versus observantem inclinetur. Processus Zygomaticus in infante æque ac in adulto secundum lineam, quæ superficiei mensæ parallela est, versus manum considerantis dextram vergat, ac superficies partis petrosæ externa & inferior mensam respiciat, huicque superficiei e perpendiculo superior sit superficies partis petrosæ interna & superior: porro apex ejusdem partis versus manum Anatomici dextram, basis versus sinistram vergant, denique annulus vel canalis auditorius externus e regione Anatomici ponatur: tali in situ os temporum infantis & adulti dextrum hucusque consideravi, nunc aurem dextram secundum eundem situm descripturus.

Explicatur situm naturalis, in quo os temporum, ab ossibus cranii separatum, considerandum.



# TRACTATUS SECVNDVS DE AURE EXTERNA.

## §. 51.

Auris exter-  
næ definitio.

**O**sse temporum jam considerato, ad aurem externam est accedendum. Intelligimus per illam cartilagineam varias eminentias, cavitates & canalem formantem, musculis glandulisque instructam (§. 6), a cute denique tenera obductam.

Modus de il-  
la hic agendi.

§. 52. De aure externa Autores, in priori tractatu passim citati, fuse egerunt, quare plenaria ejus descriptio hic supervacanea foret: potiora tamen ex illorum scriptis depromere, eisque novas observationes addere consultum videtur.

Ejus magni-  
tudo.  
Figura.

§. 53. Auris externæ magnitudo non eadem est in subjectis statura æqualibus. Figura ejus etiam aliquantum differt: nam pars inferior, lobulus dicta, non semper deorsum pendet, sed quandoque versus genam contracta cernitur. Auris etiam eminentiæ modo magis, modo minus prominent & cavitates, quæ inter eminentias occurrunt, nonnunquam majores, nonnunquam minores apparent.

Eminentia.  
Cavitates.

Distantia a  
capite, major  
in Africanis  
quam in Eu-  
ropæis.  
Hujus diver-  
sitatis causa  
& effectus.

§. 54. Auris externa interdum minus, interdum vero magis a capite distat: hoc in Africanis &c., illud in Europæis ut plurimum observatur. Africani &c. enim, magnam infantum curam non habentes, canalem auditorium externum cartilagineum extrorsum crescere sinunt; apud nos autem, simulac homo natus est, per fascias aures arcte ad caput premuntur; sed eadem arcta aurium ad caput compressio, ad cutis teneræ auris erosionem, morbum infantibus



bus familiarissimum, multum contribuit. Eadem etiam compressio efficit, ut crescente licet canale auditorio, auris tamen a capite in Europæis non adeo distet. Quare in his sonus ad aurem internam fertur difficilior: cum aure externa muscoli ejus simul comprimuntur, & postea ad agendum minus habiles fiunt. Referunt tamen Autores, fuisse quosdam inter Europæos, qui aurem externam potuerunt movere, quod ego in quibusdam quoque observavi.

Observationes de motu auris in Europæis.

§. 55. Auris externa versus interiora coarctatur, & canalem vel meatum auditorium externum cartilagineum constituit. Hic in foetu & infante annulo, postea autem canali auditorio externo osseo annexus est.

Canalis auditorius cartilagineus.

§. 56. In foetu, qui mensem nondum expleverat, nullum auris externæ observabam vestigium, sed capitis membrana vel cutis eo in loco, ubi postea auris protuberat, aperturam habebat exiguam, circa cujus marginem cutis reflexa ad aurem internam tendebat; aperturæ vero hujus profunditatem, propter nimiam ejus subtilitatem & tennerrimam foetus constitutionem, non poteram investigare. In foetu duorum mensium auris externa apparebat, atque ejus apertura, longior latiorque facta, stylum per canalem ad aurem internam admittebat, & canalem auditorium externum, nondum tamen cartilagineum, sed membranaceum adesse indicabat: super hac apertura sulcus erat parvus, cavitatem inter helicem & antihelicem, quæ tamen nondum aderant, designans.

Auris externæ status in foetu unius mensis,

§. 57. In foetibus trium, quatuor & quinque mensium auris externa majus incrementum nacta erat, & partes modo indicatas distinctius ostendebat, itemque eminentias tragus & antitragus. Interim tamen auris externa caput quam proxime attingebat, helix nondum reflexa, antihelix aliquantum elevata erat, & concha parum tantummodo excavata observabatur. In foetibus sex vel septem

trium, quatuor, quinque,

men-



octo, novem  
mensium  
& in infante  
recens nato.

mensium vero helix reflexa, ac reliquæ auris externæ eminentiæ & cavitates distinctius comparebant: meatus etiam auditorius externus cartilagineus profundior, amplior & crassior existebat. In foetibus octo vel novem mensium, itemque in infante recens nato auris externa major & distinctior erat, & in hoc a capite manifeste distabat.

TRACTATUS TERTIVS  
DE  
AURE INTERNA  
ET QUIDEM  
DE CAVITATE TYMPANI.

§. 58.

Partes cavi-  
tati tympani  
annexæ.

Annulus vel  
canalis audi-  
torius.

Annuli con-  
ditio.

Partitio.

**A**Ntequam pars auris internæ prima, tympani scilicet cavitas (§. 7) considerari potest, quædam ei *annexæ atque ad os temporum pertinentes partes*, nimirum in foetu & infante *annulus* (§. 32), vel in puero & adulto *canalis auditorius externus osseus* (§. 35), exponenda sunt.

§. 59. Aure externa, in foetu trium mensium ab osse temporum separata, ossiculum apparet, quod tamen distinctius in infante recens nato observatur, & circulus vel annulus vocatur (b); qui tamen in superiore parte, ubi ad ossis squamosi sinuositatem accedit, dehiscit. Annulum in tres partes dividere singulæque nomen a situ suo dare licebit.

b) Tab. 1. fig. 1. lit. x. y. z.

2. 5, 6.

3. 21.

d. fig. 22. lit. g. fig. 23. lit. i.



bit. *Pars una superior & anterior* (c) crassa est, partis petrosæ productioni, partis squamosæ eminentiæ (d) ac sinuositati (e) annexa; fulcum habet transversum (f), qui tympani cavitatem respicit. *Pars altera annuli posterior & simul quoque superior* (g) tenuis est partique petrosæ, prope processum mastoideum (h) applicata, ubi apicem acutum format, qui versus partem annuli anteriorem reflexus, partis squamosæ sinuositati (i) annexus est. *Pars annuli media & inferior* (k) margini superficiei externæ & inferioris partis petrosæ (l) annexa deprehenditur.

Pars anterior,

in qua fulcus transversus.

Pars posterior

& media.

§. 60. Annulus infra partem squamosam & ante petrosam situs est (§.32), atque ita quidem, ut partes ejus superiores præ parte inferiori versus aurem externam inclinent (§. 48). Nam cum partis petrosæ superficies interna & superior latior sit, magisque versus aurem externam vergat, quam externa & inferior (§.45), ideo pars squamosa, superficiei priori annexa (§. 15, 24, 36), versus aurem externam urgetur; partes annuli vero superiores cum osse squamoso cohærent (§.59), ergo necesse est, ut ossis squamosi directionem sequantur, extrorsum inclinantem (§. 48); annuli autem pars inferior partis petrosæ superficiei externæ & inferiori (§. 59) annectitur, quæ, quoad latitudinem, minor est superiori (§. 45): quare annuli partem inferiorem non adeo extrorsum urget.

Annuli situs, ejus causa.

D

§. 61.

c)	Tab. 1.	fig. 1.	lit. y.	
	2.	5.	a.	
d)	1.	1.	e.	
e)	1.	1.	g.	
f)	2.	5.	b.	fig. 6. lit. f.
g)	1.	1.	z.	
	2.	5.	c.	
h)	1.	1.	t.	
i)	1.	1.	g.	
k)	1.	1.	x.	
l)	1.	1.	q.	



Annuli circumferentia &c.

§. 61. Circa annulum considerari præterea debent ejus circumferentiæ, superficies, crassities, magnitudo, fulcus, structura & elasticitas. *Circumferentia* annuli interna lævis & sulcata existit (m): externa autem in fœtu trium mensium lævis quidem est nec extuberat; sed in infante aspera atque hinc inde extuberat (n). Porro consideranda venit annuli *superficies externa* (o), cui canalis auditorius cartilagineus annectitur; altera, quæ interna nominatur (p), cum tympani cavitate cohæret.

Annuli crassities.

Magnitudo per mensurationem exploranda.

§. 62. Annulus in fœtu tenuis (q), in infante autem multo crassior est (r). Quod infantis annulus magnitudine annulum fœtus superet, autopsia demonstrat, accuratius autem id per circumferentiæ annuli externæ mensurationem exploratur.

Annuli structura per microscopium detecta.

§. 63. Annuli *structuram* sequenti modo investigavi. Cœlo existente sereno, fœtuum annulos oculo armato examinavi, atque in fœtus trium mensium annulo, in superficie annuli externa fibras longitudinales cum interjectis fulcibus longitudinalibus vidi; non tamen omnes fibræ ab una annuli extremitate ad alteram usque decurrebant, sed earum multæ ad annuli circumferentiam externam tendebant ibique desinebant.

Mensura distantia inter apices annuli.

§. 64. Quando in annulo, ossi temporum annexo, distantia inter apices partium annuli superiorum mensuratur, & in eodem, ab osse temporum postea separato, ea distantia iterum mensuratur, tunc eam majorem quam antea deprehendimus, quæ adhuc major fit, si idem annulus aquæ tepidæ per aliquot horas immergitur.

§. 65.

m)	Tab. 2. fig. 5, 6.	lit. e.	
n)	2.	5.	d.
o)	1.	1.	x, y, z.
p)	2.	5, 6.	
q)	3.	21.	d. fig. 22. lit. g. fig. 23. lit. i.
r)	1.	1.	x, y, z.
	2.	5, 6.	



§. 65. Quando annulus, ab osse temporum separatus, aliquantum comprimitur vel dilatatur, tunc vi externæ cedere quidem cogitur: sed simul ac ea desinit, in pristinum statum se restituit.

§. 66. Hæc experimenta (§. 64, 65) autem in annulo foetus trium vel quatuor mensium facilius, quam in annulo infantis recens nati succedunt, nam in hoc crassior est magisque rigidus quam in foetu. Ex iisdem experimentis quoque elucet, membranas &c., quæ annulum ossi temporum annectunt, eum ad idem os simul coarctare annulumque esse elasticum; quod posterius etiam ex structura ejus (§. 63) patet.

§. 67. In annuli circumferentia interna apparet sulcus (s), cujus situs idem est qui situs annuli (§. 60), quippe a quo dependet. Sulcus hic ab una circumferentiæ internæ extremitate usque ad alteram extremitatem se extendit, hinc æque longus est quam circumferentia interna. Quanta vero sit hæc longitudo, per circumferentiæ internæ mensurationem detegitur. Qua in pluribus quam triginta foetuum & infantum annulis, parti squamosæ annexis, instituta, cognovi, quod circumferentia interna & sulcus in foetu usque ad septimum mensem tantummodo crescant: postea vero circumferentia annuli externa magis quam antea crescit, quæ hanc ob causam in infante hinc inde extuberat atque aspera est (§. 61), cum in foetu trium mensium lævis sit nec extuberet (§. cit.).

§. 68. Annuli partes superiores in infante aliquot mensium parti squamosæ firmiter accreverunt, ac in circumferentia externa latiores factæ, postea ulterius producuntur ad formandum canalem auditorium externum osseum, qui non est canalis integer, sed in superiore parte, ubi ad ossis squamosi sinuositatem accedit, dehiscit (t).

D 2

Hic

s) Tab. 2. fig. 5, 6. lit. e.

t) 1. 2. 3.

Annuli elasticitas,

quæ per observationes &amp; experimenta confirmatur.

Sulcus in annuli circumferentia interna, illius situs, magnitudo.

Tempus fixum crescentiæ sulci &amp; circumferentiæ internæ, per mensuram innotescunt.

Meatus auditorius externus osseus. Modus, quo hic ex annulo crescit,



ejus magni-  
tudo & dire-  
ctio varia.

Paries ante-  
rior,

ejus produ-  
ctio,  
foramen

& fulcus

Paries poste-  
rior.

Hic canalus in infante aliquot annorum brevis est & directionem rectilineam habet, hinc si membrana illa destruitur, quæ in hujus canalus orificio interno expansa est, per hoc orificium in tympani cavitatem licebit introspicere. In adulto hic canalus longior & amplior quidem existit, directionem tamen non adeo rectilineam habet ac in infante aliquot annorum, hincque inspectionem in tympani cavitatem reddit difficilem. Hic canalus sæpe in ejusdem staturæ subjectis eandem magnitudinem non habet.

§. 69. Canali huic duo sunt *parietes*, a situ nominati, quorum *anterior* (u) ex parte annuli anteriore (§. 59) oritur, cum membrana tympani angulum acutum facit (v) & cum partis squamosæ eminentia (w) concrevit, a qua paries anterior ad partis squamosæ sinuositatem tendit, cui accrevit ibidemque desinit. Paries anterior in inferiore parte cum pariete hujus canalus altero, qui *posterior* vocatur, conjunctus est & cum eo productionem (x) facit, ante processus styloidei partem superiorem sitam. Idem paries in medio foramen habet, in infante aliquot annorum magnum; in juvene autem & adulto disparsens, quia coaluit (y). *Riolanus* hujus foraminis meminit (z); silent vero recentiores: *DuVerney* tamen illud adumbrasse videtur (a). In eodem pariete fulcus est transversus, qui idem est ac ille, qui in annuli parte anteriori observatur (§. 59). Paries *posterior* (b), qui ex parte annuli posteriore oritur, minor est quam paries anterior, cum tym-

u) Tab. 1. fig. 2. lit. q.

v) Valsalva libr. cit. Cap. 1. §. 9.

w) Tab. 1. fig. 2. lit. e.

x) 1. 2. v.

y) 1. 2. r.

z) Enchirid. anatomic. pag. 63.

a) Libr. cit. tab. 4. fig. 1. 2.

b) Tab. 1. fig. 2. lit. p.



tympani membrana angulum facit obtusum (c), processui mastoideo (d) accrescit & inde ad partis squamosæ sinuositatem (e) ascendit, ubi accrescit & finitur.

§. 70. Canalis hic duobus orificiis quoque gaudet, quorum *externum* in infante aliquot annorum rotundum est, ellipticum autem in adulto (f); hujusque orificii <sup>Orificium externum, ejus margo.</sup> margini crasso & aspero canalis auditorius externus cartilagineus annectitur. Circa hunc marginem canalis auditorii externi ossæ fibræ longitudinales, à partibus annuli superioribus ortum trahentes, in multis subjectis evidenter apparent (g). Hujus canalis ossæ *orificium internum* tympani <sup>Orificium internum,</sup> cavitatem respicit, estque ipsa circumferentia annuli interna, sulcumque eundem, quem circumferentia annuli <sup>hujus sulcus,</sup> interna (§. 67) habet, continet.

§. 71. Suleus hic in foetibus quatuor aut quinque <sup>qui pro diversitate ætatis, latitudine, non autem situ variat.</sup> mensium latus est, in infante autem magis & in sene maxime coarctatur. Sulcus eundem, quem in infante habet, situm (§. 67) in adulto retinet, cujus causa est: quod <sup>Hujus rei causa.</sup> partis petrosæ superficies interna & superior, itemque ejusdem partis superficies externa & inferior, eandem, quam in infante habuerunt, inæqualem latitudinem in adulto retineant (§. 45).

§. 72. In hoc fulco tympani membrana sita est, <sup>Membrana tympani, ejus connexio in fulco, in foetu laxa,</sup> quæ in foetu admodum laxè fulco lato (§. 71) inhæret. Hoc expertus sum, cum aliquando in quinque mensium foetu annulum una cum tympani membrana ab osse temporum separare tentarem: inopinato tympani membrana ab annulo secedebat, ac cum cavitatis tympani membrana <sup>in infante firmior,</sup> saccum constituebat. In infante recens nato tympani membrana

D 3

c) Valsalva libr. cit. cap. 1. §. 9.

d) Tab. 1. fig. 2. lit. t.

e) 1. 2. g.

f) 1. 2. o.

g) 1. 2. p, q.



in fene adhuc firmior.

Membrana tympani quatenus in hoc fulco laxa vel tensa est.

Ruptura num in urinatoribus ordinaria?

Membrana tympani non est sicca.

brana eidem fulco firmitus ac in foetu nequitur, nam fulcus in infante est coarctatus (§. cit.): sed in fene adhuc major est fulci coarctatio (§. cit.), hanc ob causam tympani membrana in fene longe firmior, quam in cæterarum ætatum subjectis, huic fulco est annexa.

§. 73. Tympani membranam in fulco citato tensam Anatomicorum quidam statuunt; alii vero eam laxam esse perhibent. Contrariæ tamen hæ sententiæ amice componi possunt: nam ii, qui hanc membranam laxam esse putant, in certo tantum gradu, non vero penitus eam laxam esse subintelligunt; quoniam, si in summo gradu laxa esset, sufficienter tendi non posset. Tympani membrana in foetu minus, in fene autem magis tensa est.

§. 74. Tympani membranam in foemina strangulata disruptam observavit *Littre* (h), quam etiam in urinatoribus disrumpi *Aquapendens* (i) & *Casseri* (k) referunt. Hoc tamen rarissime accidere arbitror: & cum de hoc argumento cum Illustri Consiliario *Hoffmanno*, Academiæ hujus atque ordinis Medici Seniore venerabili, & cum Excell. *Junker*o, Professore Medicinæ Celeberrimo, Fautoribus meis maximopere colendis, sermones aliquando conferrem, viri experientissimi, se tale quid in hujus urbis urinatoribus (quos *Halloren* vocamus), nunquam observasse affirmarunt. Neque mihi, per quatuor annos hic degenti, talis casus se obtulit. Præterea in infanticida triginta circiter annorum, culei supplicio affecta, hanc membranam in utraque aure vidi integerrimam.

§. 75. Neque sicca est membrana tympani, uti Auctores quidam volunt: nam ea membranæ hujus superficies, quæ versus aurem vergit externam, a cerumine illinitur; altera

h) Histoire de l'academ. des Sciences Paris 1704. edit. Amstelod. 1707. pag. 24.

i) De auditu part. 3. cap. 4.

k) De auditu libr. 3. cap. 13.



altera vero, quæ tympani cavitatem respicit, ab humore quodam, illam cavitatem in foetu & infante recens nato humectante, simul humida redditur (l). Cum vero in adulto, imprimis autem in sene, talis humor in cavitate tympani abundans non reperiatur, hinc membrana tympani non tam humida est in adulto & sene, quam in infante & foetu. Ad humectandam autem eam, vasa sanguifera multum conferunt (m).

§. 76. Quæ vero de membranæ tympani tensione (73) & humiditate (75) majore vel minore, secundum differentes ætates, allata fuerunt, statim homine mortuo explorari debent: nam hæc membrana & reliquæ auditus organi partes molles mox ficcescunt & contrahuntur; imprimis autem musculus internus mallei, qui processui majori mallei inferitur (§. 150), a quo musculo processus citatus magis, quam in homine vivo fit, introrsum trahitur: hincque membrana tympani, quæ eidem processui accrevit, magis, quam fit in homine vivo, introrsum tracta sive tensa est.

Modus diversitatem humiditatis & siccitatis membranæ tympani explorandi.

§. 77. Membrana quædam crassa in foetu & infante recens nato superficiem externam membranæ tympani obducit. Illam *Du Verney* materiam mucilaginosam, in membranam indurata esse putat (n), cui opinioni *Valsalva* videtur accedere (o); verosimilius autem *Ruyfchius* hanc membranam epidermidem esse existimat (p). *Kerckringius* refert, quod a nemine ante se visa sit (q); sed diu ante eum nota fuit (r).

Membrana alia, membranam tympani obducens.

§. 78.

l) Valsalva libr. cit. cap. 1. §. 1, 2. Cap. 5. §. 7, 9.

m) Walther dissert. cit. §. 2.

n) Libr. cit. pag. 59.

o) Libr. cit. cap. 1. §. 13.

p) Thesaur. anatomic. Amstelod. 1703. pag. 36.

q) Libr. cit. pag. 221.

r) Aquapendens de auditu part. 1. cap. 4.



Membranæ  
tympani or-  
tus & compo-  
sitio ex qua-  
tuor lamellis,

§. 78. Tympani membranam à pericranio *Casseri* (s), a dura matre vero originem suam trahere putat *Laurentius* (t). *Valsalva* refert, hanc membranam ex *duplici* constare membrana, quarum *interna* duræ matris continua-  
tio sit; *externa* vero a cute, canalem auditorium externum  
investiente, ortum suum habeat (n). Inter utramque *Ruy-  
schius tertiam*, quæ vasculosa est, ponit (v). Sed a *Winslow*,  
Anatomico Insigni, quemque Præceptorem me habuisse  
grato ac læto recordor animo, tympani membranam in  
*quatuor* alias divisam esse memini. Harum *prima & secunda*  
a canalis auditorii externi cartilaginei cuticula & cute oriun-  
tur. *Tertia* in subjectis, canale auditorio externo osseo gau-  
dentibus, ab hujus canalis periostio originem habet: in in-  
fantibus vero, in quibus hic canalis nondum adest, ab ea  
oritur membrana, quæ sub cute canalis auditorii cartilagi-  
nei sita est & *perichondrium* vocatur. *Quarta* denique  
membrana in quovis subjecto a cavitatis tympani membra-  
na originem ducit (w).

vasa illius.

§. 79. De membranæ tympani vasis nihil certi de-  
terminant Autores. *Ruyschius arteriam* delineat & descri-  
bit, quæ à carotide externa oriatur, cujus ramuli a latere  
musculi externi mallei (*Casseri* §. 148) incedant, quæque  
porro ad membranæ tympani medium deferatur, inde de-  
nique versus circumferentiam ramos spargat (x). Arteriam  
hanc ab illo carotidis externæ ramo, qui auris externæ con-  
cham perforat (y), oriri conjicio: nam injectionibus institu-  
tis, nonnunquam duo vasa vidi, quæ musculum *Casseri*  
comitantia, ad tympani membranam tendebant atque in hac  
unum, nonnunquam duo observavi vasa, quæ juxta mallei  
pro-

s) De auditu libr. 1. cap. 8.

u) Anatom. corpor. human. Francof. 1600. pag. 427.

u) Libr. cit. cap. 2. §. 1.

v) Epistol. 8. Amstelod. 1721. pag. 12.

w) Vid. etiam ejus libr. cit. tom. 4. part. 2. n. 394.

x) Epistol. 8. tab. 9. fig. 9.

y) Du Verney libr. cit. pag. 4. & tab. 2. fig. 1, 2. lit. E.



processum primum (§. 127.) usque ad apicem ejus decurrebant, ubi undiquaque ramos dispergebant. De *vena* nihil commemorat laudatus *Ruysebius*: cum vero nonnunquam duo vasa, uti modo dixi, viderim; suspicor unum horum venam fuisse.

§. 80. In membranæ tympani loco superiore foramen existere, nonnulli sibi persuadent (z), alii contra se illud non vidisse affirmant (a). Nunquam hoc foramen observavi, licet in multis cadaveribus ad illud detegendum omnem impenderim operam. Equidem celeberr. viros foramen in hac membrana vidisse, non dubitaverim: nego tamen illud naturaliter adesse, siquidem formari potest vel ablato musculo *Casserii*, qui proxime accedit ad eum tympani membranæ locum, ubi foramen adesse perhibetur; vel per fetam, dum inquiritur, num foramen adsit nec ne? imo & aliam ob causam foramen oriri potest, ex. gr. propter morbum. Sic tympani membranam, a materia purulenta, in tympani cavitate collecta, in cadaveribus hinc inde erosam aliquoties observavi. His de foramine observationibus addere licebit observationem de duobus ossiculis, quæ in tympani membrana vetulæ aliquando reperi, quam membranam, in fulco canalis auditorii contentam, una cum malleo, qui membranæ inter duo ossicula accreverat, conservo.

Foramen in statu naturali nullum habet,

quod tamen a causis externis

& internis formari potest.

Observationes de foraminibus & ossiculis in hac membrana.

§. 81. Postquam membrana tympani e fulco suo separata fuit, ossicula auditus &c. conspiciuntur, sita in eadem cavitate, quæ *tympani cavitas* vocatur. Hanc a contentis suis vacuum in hoc tractatu; contenta vero in sequenti considerabo.

E

§. 82.

z) *Teichmeyerus* dissert. vindic. quorund. inventor. suor. anatomicor. Jenæ 1725. pag. 23.

a) *Heisterus* compend. anatomic. edit. 4t. Norimberg. 1732. not. 60.



ejus situs,

§. 82. Hæc cavitas pone tympani membranam sita est (b). *Valsalva* quidem eam supra tympani membranam positam contendit (c): sed aurem juxta ossis temporum situm (§. 49) consideravit, in quo tympani cavitas supra tympani membranam locata est. Cum vero aurem secundum ossis temporum situm magis naturalem consideraverim (§. 50), tympani cavitas, loco paullo ante memorato, mihi se conspiciendam præbuit.

parietes quatuor, horum situs, nomen,

§. 83. Quatuor hic deprehendimus parietes, quorum unus superior est, & ad cranii cavitatem simul pertinet, ac *paries superior* vocatur. Alter deorsum versus collum situs est & *inferior paries* nominatur. Tertius versus aurem externam vergit & *paries externus* appellandus est. Quartus labyrintho applicatur & *paries internus* dici meretur, qui postremus alias cavitatis tympani fundus audit.

compositio.

§. 84. Ad formandum parietem cavitatis tympani superiorem, partis squamosæ superficies interna (§. 15) parum, partis vero petrosæ superficies interna & superior (§. 24) plurimum contribuit. Paries inferior a partis petrosæ superficie externa & inferiore constituitur (§. 28). Parietem externum in infante annulus, in puero & adulto canalis auditorii externi ossei orificium internum, simul cum tympani membrana & partis petrosæ productione (§. cit.) componunt. Paries internus a partis petrosæ superficie externa & superiore oritur (§. 30). Hi parietes cellulis, eminentiis & foraminibus abundant, cellulae tamen distinctius in adulto quam in infante apparent.

Paries superior & inferior quare inæquales?

§. 85. Hujus cavitatis paries superior longior & latior est, magisque versus aurem externam protuberat quam inferior: etenim quia partis petrosæ superficies interna & superior, quæ parietem cavitatis tympani superiorem maxi-

ma

b) Du Verney libr. cit. pag. 12.

c) Libr. cit. cap. 2. §. 3.



ma ex parte constituit (§. 84), præ ~~petrosæ~~ petrosæ superficie externa & inferiore, quæ parietem cavitatis tympani inferiorem efficit (§. cit.), longior & latior est, ac versus aurem externam vergit (§. 45); non potest non fieri, ut paries, quem illa superficies interna & superior format, major sit altero, quem superficies externa & inferior efficit.

§. 86. Tympani cavitas in tres partes dispescitur, quarum una *anterior*, altera *posterior*, tertia *media*, ob situm, quem habent, vocantur. Cavitatis tympani tres partes.

§. 87. Cavitatis Tympani pars *anterior* (§. 86) angusta est & tubam sive canalem Eustachii canalemque, in quo musculus mallei internus jacet, continet. Tuba Eustachii jam *Aristoteli* cognita fuit (d). Eandem *Celso* etiam notam fuisse suspicor, quia in aurium morbis gargarisationem commendat (e). Tuba Eustachii in duas partes dispescitur, quarum una, quæ *anterior* est & ad fauces tendit, ex membrana & cartilagine componitur, de qua parte *Anatomici* passim citati consulantur: *posterior* vero tubæ pars ossea est, ejusque orificio (f) tubæ pars cartilaginea est annexa. Pars anterior, in qua tuba Eustachii & canalis pro musculo interno mallei. Partitio tubæ, ejus pars cartilaginea, ossea,

§. 88. Hic canalis osseus in infante, recens nato, per conjunctionem partis petrosæ cum annulo oritur, in infante autem duorum annorum & in adulto, a parte petrosa, cum canale auditorio externo osseo concrecente, formatur. Idem, ubi ad canalem cartilagineum accedit, angustus est; latior autem versus mediam cavitatis tympani partem: & sicuti paries ejus superior brevior est quam paries inferior: ita etiam paries exterior interiori est brevior, quod circa hujus tubæ orificium distincte cernitur. hujus compositio, capacitas, parietum ejus diversa longitudo.

§. 89. *Canalis* pro musculo interno mallei non tantum in anteriore, sed etiam in media cavitatis tympani parte Canalis pro musculo mallei interno,

E 2

d) Riolanus Anthropograph. pag. 430.

e) De re medica Lugd. Gall. 1587. libr. 6. cap. 7.

f) Tab. 1. fig. 1, 2. lit. k. fig. 3. lit. m.



fitus, partitio, te situs est. In duas eam partes dispertiri licet, quarum *an-*  
 in partem *terior* in tubæ Eustachii loco superiore reperitur, atque ab  
 anteriorem & orificio tubæ incipit, progrediturque versus canalis partem  
 posteriorem. alteram; *posterior* sita est in media cavitatis tympani parte,

Canalis hujus ubi instar hamuli curvatur (g). Porro hic canalus duos ha-  
 hamulus. bet *parietes*, *superiorem*, qui ex parte ei proprius est, nem-  
 paries supe- pe prope hamulum, ex parte vero reliqua a pariete superio-  
 rior & re tubæ constituitur: & *inferiorem*, qui canali huic proprius  
 inferior. est & longior pariete superiore.

hujus sulcus, §. 90. Hic paries inferior circa hamulum sulci  
 instar excavatus est (h); ea vero hujus parietis portio, quæ  
 ipse canalus ex parte est integer, ex  
 integer, ex parte vero  
 semicanalis, semicanalem refert. Quapropter hic canalus a *DuVerney*  
 a *DuVerney*, semicanalis (i), a *Valsalva* autem canalus (k) vocatur. Se-  
 & *Valsalva* mel in adulto observavi, quod canalus fuerit integer sive  
 varie nomi- perfectus usque ad hamulum, ubi foramen erat, per quod  
 natus. musculi Eustachii tendo egrediebatur simili modo, quo  
 Observatio musculi stapedis tendo e canalus sui orificio emergit (§. 152).  
 de eodem ca- nali,

ejus directio §. 91. Hic canalus in infantibus in linea recta (l),  
 in adultis autem oblique magis (m) a foramine ovali ad  
 tubæ Eustachii orificium tendit. Attamen totus canalus di-  
 rectionem suam non mutat: nam paries ejus superior a di-  
 rectione, quam habet in infantibus rectilineam, in adultis  
 vix recedit; paries autem canalus hujus inferior fit obliquus.  
 Idcirco hic canalus, qui in infantibus in utraque parte æque  
 fere latus erat, in adultis in parte anteriori fit latior.

& latitudo  
 varia.

Hujus

g) Tab. 2. fig. 3. lit. n. fig. 4. lit. b.

h) 2. 4. p.

i) Libr. cit. pag. 28.

k) Libr. cit. cap. 2. §. 5.

l) Tab. 2. fig. 3. lit. n.

m) 2. 4. b.



Hujus canalis latitudo tamen in adultis ubique multo major est quam in infantibus.

§. 92. Cavitationis tympani pars *posterior sinuositas* Cavitationis *mastoidea* vocatur (n), sed hæc sinuositas nomen a processu tympani pars dicto minus congrue accepit ; jam enim adest in foetu an- posterior. tequam processus mastoideus appareat, & in adulto quoque Sinuositas mastoidea. supra hunc processum collocata est. Ad cavitationis tympani parum con- partem posteriorem processus mastoidei cellulæ (o) quo- grue dicta, que pertinent, quæ vero in infante nondum observantur: Cellulæ quia in hoc processus citatus parum prominet (§.31). Non- nunquam quoque in processus mastoidei medio inter cel- lulas se offert cavitas, quæ ad sinuositatem mastoideam ac- & cavitas. cedens, cum ea unam tantummodo cavitationem constituit.

§. 93. Cavitationis tympani pars tertia sive *media* in- Cavitationis ter recensitas partes posita est, in qua duo foramina con- tympani pars spiciuntur, quorum superius & majus, *foramen ovale* (p) media. vel *fenestra ovalis* Anatomicis plerisque, fenestra autem la- byrinthi *Casserio* audit (q). Inferius & minus, *foramen* a qua fora- *rotundum* vel fenestra rotunda vocatur (r). *Casseri* hoc men ovale & rotundum. foramen modo rotundum (s), modo tortuosum sive fe- nestram cochleæ (t), modo fenestram cochleæ sinuosam (u) nominat. *Du Verney* hoc foramen figuram ovalem ha- bere dicit (v). *Schelhammer* tam foramini ovali, quam rotundo hæc nomina perperam esse imposita contendit (w). Vieussens foramen rotundum portam labyrinthi, & fora-  
E 3 men

n) Tab. 2. fig. 3. lit. r. fig. 4. lit. l.

o) 2. 4. k.

p) 2. 3. h. 4. d.

q) De auditu tab. 10. fig. 3.

r) Tab. 2. fig. 3. lit. i. fig. 4. lit. e.

s) De auditu lib. 1. cap. 11.

t) Ibid. tab. 10. fig. 3.

u) Ibid. 10. 24.

v) Libr. cit. pag. 19. & in explicatione tab. 61. fig. 1. lit. E.

w) Libr. cit. pag. 60, 61.



men ovale labyrinthi fenestram quoque appellat (x) ; quæ vero nomina non æque perspicua sunt ac priora.

Foramen  
ovale, ejus  
figura,

situs,

extremitas  
anterior,  
posterior,

hujus fora-  
minis fulcus,  
usus.

Foramen ro-  
tundum,  
ejus figura,  
situs diver-  
sus in diver-  
sa ætate,

magnitudo,

§. 94. Foramen ovale figuram exacte ovalem non refert ; nam margo superior arcuatus magis , alter autem , qui inferior , magis rectilineus est (y). Foramen hoc in foetu septem mensium jam eam habet magnitudinem quam in adulto , atque inter cochleæ tuber , canalem Fallopii , canalis pro musculo Eustachii hamulum , & canalis pro musculo stapedis orificium situm obtinet , qui membranæ tympani parallelus est (z). *Extremitates* habet duas , quarum una vocatur *anterior* , quæ canalis pro musculo Eustachii hamulum respicit , altera *posterior* versus orificium canalis pro musculo stapedis vergit. Anterior extremitas sæpe aliquantum superior & major est quam posterior , sulcumque continet , qui stapedis basi tenuis membranæ interventu , foramen undique claudentis (a) , inhæret. Hoc foramen ad vestibulum ducit.

§. 95. Foramen rotundum figuram exacte circularem non refert , nam pars ejus inferior versus cavitatis tympani parietem inferiorem aliter est curvata , quam superior , quæ semicirculum refert (b). In foetibus trium & quatuor mensium parallelum fere est cum tympani membrana (c) , a quo tamen situ mense quinto recedit (d) , & in infante recens nato membranam tympani ex obliquo respicit (e) ; in sene vero ab hac membrana magis aversum est & canalem pro musculo stapedis respicit. Hoc foramen in foetu septem mensium eadem jam magnitudine gaudet quam

x) Traité de l'oreille. Toulouse. 1714. pag. 24. 25.

y) Tab. 2. fig. 3. lit. h. fig. 4. lit. d.

z) Valsalva libr. cit. cap. 2. §. 13.

a) Casserius de auditu libr. 1. cap. 11.

b) Tab. 2. fig. 3. lit. i. fig. 4. lit. e.

c) 3. 21. b. 22. d.

d) 3. 23. e.

e) 2. 3. i.



quam in adulto ; in senibus autem illud admodum angustatum aliquoties reperi. Porro sulcum habet , quem primus observavit *Du Verney* (f), in quo expanditur membrana: ille vero non statim in foraminis hujus margine , sed paulo interius vel profundius situs est. Foramen rotundum ad & usus cochleam ducit.

§. 96. Infra canalem pro musculo Eustachii pro-  
minet tuber magnum (g) , sub quo cochlea latet , in eo-  
que sulcus est , ubi decurrit arteria (h). Prope foraminis  
ovalis marginem arcuatum , canalis Fallopii pars superior  
protuberat (i) : ad latus quoque hujus canalis posterius  
tuber magnum observatur , in ipso sinuositatis mastoideæ  
introitu situm , sub quo canalis semicircularis externus la-  
tet (k).

Cochleæ tu-  
ber, in quo  
sulcus.  
Canalis Fal-  
lopii.  
Canalis semi-  
circularis ex-  
ternus.

§. 97. In eadem cavitatis tympani media parte  
eminentia parva est (l), quæ pyramidis figuram sæpe refert  
(m) , in cujus apice foramen cernitur, quod est canalis isti-  
us orificium , qui stapedis musculum continet. Hic cana-  
lis eandem cum canali Fallopii directionem habet, & quia  
huic accrevit cum eodem parietem communem constituit,  
qui , si in infante canalis uterque aperitur, instar parvæ emi-  
nentiæ conspiciendum se exhibet (n) , in adulto autem  
plerumque longior & altior factus idem paries (o) , inter  
stapedis musculum, in hoc canali situm, & inter nervi audito-  
rii portionem duram, in canali Fallopii contentam, septum  
facit , in quo foramen vel fissura observatur. Canalis hic  
plerum-

Canalis pro  
musculo sta-  
pedis,  
ejus figura,  
orificium,  
directio,  
septum inter  
hunc & cana-  
lem Fallopii.

Magnitudo  
canalis pro

f) Libr. cit. pag. 19.

g) Tab. 2. fig. 3. lit. t. fig. 4. lit. o.

h) Per easdem liter. t. o. simul indicatur.

i) Tab. 2. fig. 3. lit. p. fig. 4. lit. n.

k) 2. 3. q. 4. m.

l) 2. 3. g. 4. f.

m) Winslow libr. cit. tom. I. part. 1. no. 401, 408.

n) Tab. 3. fig. 24, 25. lit. d.

o) 3. 26, 27. d.



musculo stapedis.

Observatio de eodem canale.

Fibra ossea inter hunc & foramen rotundum.

Cavitas inter hunc canalem & foramen ovale.

Canalis pro chorda tympani, ejus situs generalis, orificium internum sive extremitas superior, extremitas inferior, in diversa ætate diversimode desinens.

Hujus canalis situs specialis.

plerumque in adulto longior & latior est, quam in infante, sæpe tamen in subjectis ejusdem ætatis non æque magnus existit. Semel in utraque adulti aure observavi, canalem hunc secundum longitudinem aperturam habuisse, quæ rimæ instar tympani cavitatem respiciebat.

§. 98. In plerisque subjectis fibra una vel duæ osseæ, tenues ab apice canalis pro musculo stapedis ad foramen rotundum tendunt (p) : aliquando earum loco lamella ossea reperitur. Præterea inter foramen ovale & canalem pro musculo stapedis, cavitas (q) in quibusdam subjectis reperitur.

§. 99. In infante recens nato, non procul a canale pro musculo stapedis, magis tamen antrorsum & quam proxime ad sulci partem posteriorem, in quo membrana tympani expanditur, foramen est exiguum (r), quod in adulto interdum ab eodem loco longius linea distat. Hoc foramen orificium est internum sive extremitas superior canalis illius, in quo chorda tympani decurrit (§. 7). In foetu, infante recens nato & aliquot annorum extremitas inferior hujus canalis exterius post aurem externam desinit, ubi in infante recens nato ad lineam (s), in infante autem aliquot annorum ad dimidiam, imo quartam tantummodo lineæ partem a canalis Fallopii extremitate inferiore sive foramine stylo-mastoideo distat. Hic canalis in infante recens nato oblique ante canalem Fallopii situs est; postea autem hunc situm sensim mutat: tandem in adulto in linea fere parallela ante Fallopii canalem decurrit (t).

§. 100.

- p) Tab. 2. fig. 3. lit. u.  
 q) Walther. dissert. cit. §. 6.  
 r) Tab. 1. fig. 1. lit. a.  
 s) 1. 1. r.  
 t) 2. 4. i.



§. 100. In infantibus canalis pro chorda per applicationem partis annuli posterioris ad sulcum exiguum, in partis petrosæ superficie externa & superiore oblique decurrentem (u), componitur. Crescente vero infante, huic sulco accrescit annulus, atque ex annulo canalis auditorius externus oritur: tunc quoque processus mastoideus crescit, quocum canalis auditorii paries posterior coalescit, per hanc coalescentiam canalis pro chorda in infante aliquot annorum formatur. Propterea earundem partium incrementum simul etiam crescit hic canalis & quidem deorsum, ac quo magis crescunt, eo propius orificium externum canalis hujus ad foramen stylo-mastoideum accedit, tandemque in puero canali Fallopii inseritur, quo factò, extremitas inferior canalis pro chorda, similiter ac superior, orificium internum nominari meretur (v).

ejus compositio in diversa ætate.

Observatio de hujus canalis extremitate inferiore.

§. 101. Quod ad magnitudinem attinet, canalis hic longior quidem est in adulto, quam in infante, sæpe tamen in subjectis ejusdem ætatis inæqualem longitudinem habet; quo vero longior est in adulto, eo propius illius extremitas inferior in canale Fallopii foramini stylo-mastoideo apparet (w): quo brevior est hic canalis in adulto, eo magis ejus extremitas inferior in canale Fallopii a foramine stylo-mastoideo distat (x).

Hujus canalis longitudo varia,

itemque terminus extremitatis ejus inferioris varius.

§. 102. Tympani cavitas membrana investitur, quam a pericranio oriri *Casseri* statuit (y); rectius vero a dura matre originem habere *Valsalva* asserit (z). Suum autem trahit ortum a lamella duræ matris externa, quæ per conjunctionem partis squamosæ cum petrosa tympani cavita-

Membranae cavitatis tympani origo, productiones,

u) Tab. 2. fig. 3. lit. d.

v) 2. 2. n. fig. 4. lit. i.

3. 27. f.

w) 2. 2. n. 4. i.

x) 3. 27. f.

y) De auditu libr. 1. cap. 11.

z) Libr. cit. cap. 2, §. 1, 15.



vitatem ingreditur, eam circumdat, lamellam membranæ tympani internam constituit (§. 78), auditus ossicula involvit, iisque ligamenta, periostrum externum, imo & internum largitur: dein Eustachii musculum tegit ac in canali suo, quem etiam obducit, firmat, musculique dicti tendinem ad malleum nonnunquam comitatur: In foraminis ovalis & stapedis fulcis expanditur, illudque foramen & stapedis spatium intermedium claudit: ad foraminis rotundi marginem delata, nonnunquam exterius illud exacte obducit & foraminis hujus membranam externam constituit, quæ quarta circiter lineæ parte ab hujus foraminis membrana interna distat, hæc autem interna a cochleæ septo oritur & in foraminis citati sulco deprehenditur, de quo alio loco plura: sæpius tamen cavitatis tympani membrana, cum ad foraminis rotundi marginem pervenit, circa illum introrsum flectitur, ac in hujus foraminis sulco membranæ alteri sive internæ jungitur, cum qua foraminis rotundi membranam constituit, ex duabus lamellis compositam. Tandem cavitatis tympani membrana per canalem Eustachii (a) cum membrana faucium, & per fissuram (b) cum periostrio ossis temporum externo continuatur.

colores varii horumque causæ.

Modus hanc membranam in aure exsiccata ab osse separandi.

§. 103. Hanc membranam, si tympani cavitatem in illis aperimus, qui morbo chronico defuncti sunt, pallere observamus; at in quibusdam subjectis, morbo acuto & c. peremptis, tota rubet (c), quia vasa hujus membranæ minutissima a sanguine tunc referta sunt. In aure exsiccata cavitatis tympani parietibus arctissime adhæret & tunc, imprimis in subjectis morbo chronico defunctis, ab osse difficulter distingui potest, quod vero obtinetur, si in tympani cavitate aqua tepida infunditur.

§. 104.

a) Tab. I. fig. 1, 2. lit. k. fig. 3. lit. m.

b) I. I, 2. f.

c) Vieussens de l'oreille. pag. 26.



§. 104. Delineat quidem *Ruyfchius arterias*, ad De ejusdem  
membranam cavitatis tympani accedentes; sed earum origi- membranæ  
nis non facit mentionem (d). *Valsalva* dicit: quod prope arteriis.  
canalis initium, per quem carotis interna ad cerebrum ad-  
scendit, ejusdem arteriæ ramulus, canale perforato, in tym-  
num deflectat ipsumque sparsis propaginibus alluat (e); non-  
nunquam autem duæ vel tres arteriæ canalem citatum per-  
forant (§.27). Arterias alias, quæ a duræ matris arteriis oriun-  
tur, & per foramina, in hujus cavitatis pariete superiori sita,  
tympani cavitatem ingrediuntur, observavit *DuVerney* (f):  
sed neque hæc foramina, neque has arterias delineavit, una  
excepta (g), quam vero non describit, quare necessarium erit  
plura de illa proferre.

§. 105. Duræ matris arteria postquam cranii ca- Arteriæ de-  
vitatem ingressa est, ramum emittit, in sulco (§.23) situm, ab scriptio.  
hoc ramo minor alius oritur, qui sulci (de quo modo di-  
ctum fuit) partem anteriorem (h) perforat, & quandoque  
transversim per musculi Eustachii canalem, quandoque au-  
tem inter canalem dictum & os petrosum viam sibi ster-  
nens, in cochleæ sulco (i) ad cavitatis tympani parietem  
inferiorem decurrit. Truncus vero hujus arteriæ, quem  
ab arteria duræ matris oriri dixi, hiatus canalis Fallopii in-  
greditur (k); ante ingressum vero parti ejusdem sulci poste-  
riori ramum largitur, qui, num per foramina, ibidem con-  
spicua (l), ad partes inferius sitas, sinuositatem nempe ma-  
stoideam & canalem semicircularem externum ramos mi-  
nores emittat, non facile poterit determinari: siquidem fo-

F 2 ramina

d) Epistol. 8. tab. 9. fig. 19.

e) Libr. cit. cap. 2. §. 22.

f) Libr. cit. pag. 13.

g) Libr. cit. tab. 9. fig. 1. lit. A.

h) Tab. 1. fig. 3. lit. 1.

i) 2. 3. d. fig. 4. lit. c.

k) 3. 26. f.

l) 1. 3. i.



ramina illa adeo exigua sunt, ut ne subtilissimæ quidem setæ transitum concedant.

De vena

§. 106. Hujus membranæ *venam Valsalva* descripsit (m), & *DuVerney* delineavit (n), nonnunquam vero duæ vel tres venæ per totidem foramina (o) ad jugularis internæ principium descendunt. Per foramina illa parva, circa processum mastoideum in infante conspicua (p), sinuositatis mastoideæ vasa alia quædam transeunt.

& vasis lymphaticis hujus membranæ.

§. 107. Huic membranæ *vasa lymphatica* a *Vieussens* (q) & *Valsalva* (r) adscribuntur: uterque tamen se illa non vidisse ingenue fatentur, quæ nec mihi, magna cadaverum copia in ea inquirenti, unquam apparuerunt. Tympani cavitas quidem humore quodam irrigatur, qui in foetu & infante recens nato majori copia, quam in adulto observatur (§. 75); sed undenam humor ille veniat, num ex vasis lymphaticis effluat, an vero ex membranæ cavitatis tympani poris nonnunquam erumpat, difficile determinari posse refert *Schelhammerus* (s). Illum humorem ab ipsa cranii cavitate derivari posse, nempe per foramina (t), *Valsalva* arbitratur (u): de genuina autem illius origine, cum talis quoque in labyrintho (§. 7) reperiatur, itemque de cavittis tympani nervis pariter ac aere, alius locus tractabit.

Humor

nervi & aer  
cavitatis  
tympani.

Status cavitatis hujus in foetu trium mensium.

§. 108. Tympani cavitatem in foetu duorum mensium observare non poteram, quia totum os temporum admodum exiguum & imperfectum erat (§. 43). In foetu trium mensium tympani membrana in annuli fulco contenta erat, qua ablata & auditus ossiculis e tympani cavitate exemptis, hæc

m) Libr. cit. cap. 2. §. 22.

n) Libr. cit. tab. 9. fig. 1. lit. B.

o) Tab. 2. fig. 1. lit. 1. fig. 2. lit. p.

p) I. I. W.

q) De l'oreille pag. 27.

r) Libr. cit. cap. 2. §. 22. & cap. 1. §. 16.

s) Libr. cit. pag. 253.

t) Tab. 1. fig. 3. lit. n.

u) Libr. cit. cap. 2. §. 15.



hæc cavitas apparebat, sed admodum parva, in qua foramen ovale rimam referebat. Antequam tympani membranam removebam, cochleæ tuber membranæ hujus partem superio- Observatio de margine foraminis rotundi osseo. rem & mediam tangebatur, & quamvis cartilagineum esset (v), foraminis tamen rotundi (quod ad cochleam & ducit (§. 95) & pertinet) margo erat osseus partemque annuli posteriorem attingebat (w).

§. 109. Silentio præterire nequeo, me non statim, Modus, quo hoc detexi. postquam cavitatem tympani aperueram, foraminis rotundi marginem osseum observasse; sed cum hæc cavitas per aliquot horas aeri exposita fuisset, cochleæque tuber ex fusco, Modus ossificationis cochleæ. quem habebat, colorem nigrum acquisivisset, tunc foraminis rotundi margo albus osseusque apparebat. Exinde patet, Analogia ossificationis cochleæ humanæ, & indurescentiæ testarum limacum. cochleæ ossificationem a foramine rotundo sive ab extremitate latiore incipere, & ad apicem sive extremitatem cochleæ angustiore progredi, de qua cochleæ ossificatione alio tempore plura. Sufficit in transitu quasi notasse, limacum testas eodem modo, quo auris humanæ cochlea, indurescere, admodum esse probabile.

§. 110. In foetu quatuor mensium cavitatem tympani demum observavit *Kerckringius* (x); sed mense tertio illam jam vidi (§. 108). Est autem cavitas in foetu quatuor mensium major, quam in foetu trium mensium (§. cit.). Mense quarto paries hujus cavitatis superior (§. 43), itemque sinuositas mastoidea (§. 92) apparent: cochleæ tuber est osseum (y): foramen rotundum a parte annuli posteriore, & a parte superiori ac media membranæ tympani recessit, & partem hujus membranæ inferiorem attingit, simul autem in tympani cavitate inferiorem locum occupat (z). Illo tempore paries Status cavitatis tympani in foetu quatuor mensium. hujus

v) Tab. 3. fig. 21. lit. f.

w) 3. 21. b.

x) Lib. cit. pag. 222.

y) Tab. 3. fig. 22. lit. c.

z) 3. 22. d.



Observatio  
de canale pro  
musculo in-  
terno mallei.

Modus, quo  
hic canalis  
ossefcit.

Status cavitatis  
tympani  
in foetu quin-  
que &c.  
mensium.

hujus cavitatis inferior nondum existit (§. 43), quam ob causam annulus per membranam quam proxime cochleæ necitur. Foramen ovale distinctius quidem in hoc, quam in foetu trium mensium (§. 108) observatur: figuram autem, quam postea habet, nondum perfecte obtinuit. Fallopii canalis nondum est osseus & nervi auditorii portio dura, membranis involuta, prope foraminis ovalis marginem superiorem decurrens observatur. Similiter canalis pro musculo stapedis nondum est osseus, musculusque membranis involutus & cum portione dura ac stapede arcte connexus observatur. In superiore tuberis cochleæ parte impressio est vel sulcus exiguus, cui eo in loco, ubi postea canalis pro musculo Eustachii hamulus cernitur, globulus accreverat cartilagineus, membranis & fibris adeo arcte involutus, ut has ab eo separare non potuerim. Cum autem ex osteogenia notum sit, ossium primordia esse membranas, & has plerumque in cartilagineum, hancque in os demum mutari, illas vero mutationes a quodam puncto incipere & ab eo sensim progredi: simili modo hic canalis ex membrana fit cartilago tandemque os, hæcque ejus mutatio ab hamulo incipit & inde versus alteram hujus canalis extremitatem, in tuba Eustachii sitam, progreditur.

§. III. In foetu quinque mensium tympani cavitas amplior est, quam in foetu mensium quatuor: crevit enim paries hujus cavitatis superior atque accessit inferior (§. 44), hicque annulum (a) cum membrana tympani a foramine rotundo (b) dimovet & versus aurem externam urget. Canalis Fallopii, canalis pro musculo stapedis (c) & canalis pro musculo Eustachii (d) ossei observantur. Mensibus sequentibus tympani cavitas crescit perfectiorque evadit: foramen

a)	Tab. 3.	fig. 23.	lit. i.
b)	3.	23.	e.
c)	3.	23.	d.
d)	3.	23.	h.



ramen autem ovate & rotundum in foetu post septimum mensem augeri non observavi (94, 95).

§. 112. Cavitationis tympani magnitudinem determinare non possum ; nam licet eum in finem aquam , ceram & mercurium vivum in eam infuderim , imo & instrumentis mathematicis usus fuerim ; attamen propter cellulas innumeras & foramina quædam , imprimis autem quia cavitationis tympani pars posterior nimis diverse in infantibus & adultis constituta est , operam perdidi. Neque etiam quælibet cavitationis tympani pars seorsim mensurari potest, tam ob causas modo allatas , quam ob terminos, inter has partes accurate non definiendos.

§. 113. Imo fingamus , partem e. gr. posteriorem, terminos habere suos , qui illam a media parte distinguunt, hincque partem posteriorem secundum omnem dimensionem mensurari posse , in primis in infantibus, ubi minus, quam apud adultiores cellulis est repleta : attamen in infantibus aliis hæc pars major , in aliis minor reperitur. Interim tamen cavitationis tympani pars posterior in adultis major est quam in infantibus : nam in illis processus mastoideus crevit, cellulis abundans (e) : in sene autem cavitationis tympani pars posterior minor est quam in adulto, quippe in quo tam sinuositatis mastoideæ quam processus hujus cellulæ pleræque concreverunt.

§. 114. Pars cavitationis tympani anterior tubam Eustachii & canalem pro musculo interno mallei continet. Tubam Eustachii a parte cavitationis tympani media discerni nequit, quam ob causam, ut mensurari possit, puncta quædam in media cavitationis tympani parte sita , quærenda sunt : nimirum in infantis recens nati, & adulti aure dextra, in pariete tubæ superiore , a tubæ orificio usque ad hamulum canalis pro musculo Eustachii , linea recta *a b* ducatur (f). Altera linea

e) Tab. 2. fig. 4. lit. k.

f) 3. 28, 29.



linea recta  $c d$  (g), in tubæ pariete inferiore, a tubæ orificio ad foraminis rotundi centrum tendat. Tertia perpendicularis ex puncto  $e$ , quod ab  $a$  &  $b$  æqualiter distat, in linea  $a b$  ad lineam  $c d$  demittatur, atque in ea determinabit punctum  $f$ , linea vero erit  $e f$  (h). Quarta denique linea, similiter perpendicularis, ex puncto  $a$  lineæ  $a b$  ad lineam  $c d$  demittatur, eamque tanget in  $b$ , unde linea  $a b$  orietur (i).

§. 115. Lineæ  $a b$  (§. 114) longitudo est in infante 4 lin: , in adulto 8 lin: , quæ  $a b$  cum per  $e f$  in duas partes æquales sit divisa, linea  $a e$  parietem tubæ superiorem in infante 2 lin: , in adulto 4 lin: longum esse indicat. Lineæ  $c d$  (§. cit.) longitudo est in infante 6 lin: , in adulto 10 lin: , quæ linea  $c d$ , cum per  $e f$  divisa sit, linea  $c f$  parietem tubæ inferiorem, in infante 4 lin: , in adulto 6 lin: longum esse indicat. De tubæ pariete inferiore notandum, quod in omni ætate tubæ parietem superiorem 2 lin: excedat. Denotat linea  $e f$  (§. cit.) tubæ altitudinem versus mediam cavitatis tympani partem, in infante  $2\frac{1}{2}$  lin: in adulto 3 lin: . Indicat linea  $a b$  (§. cit.) tubæ altitudinem versus partem suam cartilagineam in infante  $1\frac{1}{2}$  lin: , in adulto 2 lin.

et canalis pro musculo interno mallei.

§. 116. Linea  $a b$  (§. 114, 115) canalis pro musculo interno mallei longitudinem simul indicat, quæ in infante 4 lin: , in adulto 8 lin: est.

Cautelæ circa hanc mensuram observandæ.

§. 117. Quamquam hæ mensuræ generatim sunt determinatæ, non tamen ad omnia subjecta pari accuratione veniunt applicanda: ad plurima quidem quadrabunt, sed ipse hanc partem (§. 114) in aliis majorem, in aliis minorem deprehendi. Magnitudo igitur, prout plerisque competit, per mensuras allatas circiter indicatur.

§. 118.

g) Tab. 3. fig. 28, 29.

h) 3. 28. 29.

i) 3. 28. 29.



§. 118. Quod ad partem cavitatis tympani me-  
 diam attinet, ejus altitudinem quidem mensurare possumus, Mensuratio  
partis me-  
diæ cavitatis  
tympani.  
 nempe si lineam perpendicularem a pariete hujus partis su-  
 periori usque ad ejusdem partis parietem inferiorem ducamus: sed longitudo accurate indicari non potest: quia termini inter mediam, anteriorem & posteriorem partem discerni nequeunt (§. 112). Licet in pluribus, quam quinquaginta tam infantum, quam adultorum auribus, a canalis pro musculo Eustachii hamulo ad canalis pro musculo stapedis orificium, distantiam mensuraverim, ab eodem orificio ad centrum, in foramine rotundo assumptum, ab eodem centro ad canalis pro musculo Eustachii hamulum, ab hoc hamulo ad canalis pro chorda orificium, ab hoc orificio usque ad foraminis rotundi centrum, a canalis pro chorda orificio usque ad canalis pro musculo stapedis orificium: aliquid tamen certi de magnitudine, quam pars media cavitatis tympani habet, non possum determinare. Conjicio tamen, hanc mediam partem post nativitatem crescere, uti cavitatis tympani pars anterior (§. 115, 116) & posterior (§. 113) crescunt. Nam in ipsa media parte, in infante, canalis pro chorda orificium superius semper quam proximum est sulco, in quo membrana tympani expanditur; in adulto autem orificium hoc a sulco nonnunquam lineam distat (§. 99): hæc distantia indicat, partem mediam cavitatis tympani post nativitatem crevisse, cum in infante recens nato, inter sulcum & hoc orificium distantia longe minor observetur (§. cit.). In quibus vero adultorum organis foramen canalis chordæ eundem, ac in infante, situm habet, in illis distantiam inter reliquas cavitatis hujus partes aliquanto majorem esse, ac fuit in infante, conjicio.



# TRACTATUS QVARTVS DE CAVITATIS TYMPANI CONTENTIS.

§. 119.

Auditus offici-  
cala quatuor.

**I**N media cavitatis tympani parte (§. 86, 93) sunt ossicula, musculi, chorda tympani, vasa &c. Ossiculorum tria a veteribus & a quibusdam recentioribus numerantur, a plerisque vero recentiorum quatuor recensentur, nempe *malleus* (k), *incus* (l), *stapes* (m) & *orbiculare* (n). Quæ cum sat exacte jam descripta sunt, imprimis a *DuVerney* (o), *Valsalva* (p) & *Winslow* (q): hinc iisdem prolixius hic exponendis supersedeo, præcipua tantum ex iisdem Autoribus relaturus & quædam additurus.

Mallei parti-  
tio secundum  
Coiteri,  
Casserii,  
Du Verney,

§. 120. *Coiterus* (r) *malleum* in caput (s) & tres processus (t), *Casserius* in caput & caudam dispertitur (u): hic ad caput mallei processum minorem & minimum, ad caudam vero processum majorem refert. *Du Verney* malleum in

- k) Tab. 2. fig. 6.
- 3. 1 ad 9.
- l) 2. 6.
- 3. 7, 10 ad 14.
- m) 3. 15 ad 20.
- n) 3. 13, 22. lit. b. fig. 23. lit. c.
- o) Libr. cit. pag. 20.
- p) Libr. cit. cap. 2. §. 4, 8, 9, 10.
- q) Libr. cit. tom. I. part. 1. no. 409 ad 425.
- r) Libr. cit. pag. 97.
- s) Tab. 3. fig. 5. lit. a.
- t) 3. 4. b. c. d. fig. 5. lit. d. e.
- u) De auditu libr. 1. cap. 12.



in caput & manubrium dividit, & huic duos processus attribuit (v). *Valsalva* similiter ac *Du Verney* malleum in caput *Valsalvæ* & manubrium quidem partitur, sed hoc a tribus acutis processibus constitui asserit (w). Hi autem viri partem mallei, quæ a capite versus processus citatos oblique descendit, vel ad caput retulerunt, vel omiserunt: at ea a reliquis mallei partibus distingui, & collum vocari meretur (x). Quapropter malleum in caput, collum & tres processus dispertior. & meam observationem.

§. 121. Superficies in mallei capite, quæ cum incude articulatur (y), cincta est fulco (z). In collo, supra processum minorem ac minimum, sulcum profundum obliquum & admodum latum observavi. Mallei caput & collum horumque sulci.

§. 122. De processuum mallei numero inter Autores non convenit. *Coiterus* (a), *Valsalva* (b) & recentiorum plerique tres processus recensent, nempe primum sive majorem (c), secundum sive minorem (d) & tertium sive minimum (e). Duos modo processus malleo plerique veterum & recentiorum nonnulli adscribunt, vel processum secundum ad primum referentes, vel tertium omittentes. Dissensus Autorum circa processuum mallei numerum,

§. 123. In processuum mallei numero constituendo ordinem, consentiunt quidem *Coiterus* & *Valsalva* (§. 122), dissentiunt autem in illorum ordine. *Coiteri* enim processus primus a *Valsalva* tertio loco numeratur, contra hujus processus tertius illi primus est in ordine: processus vero secundus utrique idem est.

G 2

§. 124.

v) Libr. cit. pag. 21.

w) Libr. cit. cap. 2. §. 4.

x) Tab. 3. fig. 5. lit. c.

y) 3. 3. c. fig. 4. lit. e. fig. 5. lit. b.

z) 3. 4. a.

a) Libr. cit. pag. 97.

b) Libr. cit. cap. 2. §. 4.

c) Tab. 3. fig. 5. lit. d.

d) 3. 4. d.

e) 3. 4. c. fig. 5. lit. e.



& denomi-  
nationem.

§. 124. Simili modo de processuum mallei nomini-  
bus inter Autores lis intercedit. *Casseri* processum mal-  
lei, qui a *Valsalva* primus vocatur (f), caudam & pedun-  
culum nominat (g): *Spigelius* eundem processum appellat  
inferiorem (h), apud *Winslow* (i), *Boerhave* (k) & *Walthe-  
rum* (l) mallei manubrium audit. Secundus *Coiteri* & *Val-  
salvæ* processus (m) a *Casserio* apophysis humilior, exterior  
ac insignior (n), itemque tuberculum apophysis, sive pro-  
cessus majus trochautyrium (o), mox vero major apophy-  
sis (p) vocatur. *Boerhave* processum mallei secundum, mal-  
lei tuberculum appellat (q). Tertius mallei processus *Val-  
salvæ* a *Coitero* processus longus & tenuis (r), a *Casserio* apo-  
physis elatior, interior & exilior (s), itemque minor apo-  
physis, sive processus trochauterius (t), a *Platero* processu-  
lus elatior (u), a *Spigelio* processus superior minor & cur-  
vus (v), ab aliis *Rauvianus* dicitur.

Historia pro-  
cessus tertii  
mallei,

§. 125. Sed notarunt multi, quod *Rauvius* non sit  
primus detector processus mallei tertii, & propterea idem  
minus recte *Rauvianus* vocetur: illius autem detectionem

Folio

- f) Tab. 3. fig. 5. lit. d.
- g) De auditu libr. I. cap. 12. & tab. II. in explicat. ossiculor. homin.  
lit. F. O.
- h) Corpor. human. fabric. lib. 2. cap. 9.
- i) Libr. cit. tom. I. part. I. no. 416.
- k) Institution. medicar. Lugdun. Batav. §. 554.
- l) Dissert. cit. §. 4. 5.
- m) Tab. 3. fig. 4. lit. d.
- n) De auditu libr. I. cap. 12.
- o) Ibid. tab. II. in explication. ossicul. homin. lit. E.
- p) Ead. tab. lit. N.
- q) Institut. medic. §. 554.
- r) Libr. cit. pag. 97.
- s) De auditu libr. I. cap. 12.
- t) Tab. cit. in explicat. off. hom. lit. M. in figura ipsa vero hic pro-  
cessus non expressus est.
- u) Corpor. human. structur. & usu Basil. 1603. pag. 33
- v) Corpor. human. fabric. lib. 2. cap. 9.



*Folio* attribuunt (w): verum ante hunc jam notus (§. 124), itemque ab *Aquapendente* (x), *Platero* (y) & *Remmelino* (z) delineatus fuit.

§. 126. Idem processus admodum brevis delineatur a *DuVerney* (a) & *Valsalva* (b), hic tamen eum aliquando sat longum vidit, quod aliquid præternaturale fuisse arbitratus est (c). Non adeo a vero observatores hi diligentes aberrarunt: nam & ego hunc processum, tam in infante, quam in adulto, brevem sæpe reperi. Positus est in fulco, qui in infante in annuli parte anteriore (d), in adulto in canalibus auditorii pariete anteriore animadvertitur. In infante hic processus fulco citato laxè nexus est; in fene autem eidem fulco accrevit, nec facile ab eo distinguitur, difficillime vero separatur. Processus ipse est elasticus & quodammodo curvatus, concava ejus superficies applicatur fulco, convexa vero tympani cavitatem respicit; est quoque mallei apophysis sive ejus continuatio immediata, quod manifeste apparet, si a musculo Folii & a tympani chorda caute liberatur, & ope microscopii examinatur.

§. 127. Processus mallei secundus tympani membranae quodammodo infigitur (e): hujus magnitudo, tam in ejusdem, quam in diversæ ætatis subjectis variat. Processus mallei primus tympani membranae accrevit (f) & aliquantum introrsum, versus tympani cavitatem, curvatus est;

G 3

w) Teichmeyerus dissert. cit. pag. 8.

x) De auditu fig. 16.

y) Libr. cit. pag. 33.

z) Catoptr. microcosm. August. Vindel. 1614. tab. 1. fig. 9, 10.

a) Libr. cit. tab. 5. fig. 10. tab. 6. fig. 5.

b) Libr. cit. tab. 3. fig. 4.

c) Libr. cit. cap. 3. §. 7.

d) Tab. 2. fig. 6. lit. f.

e) Valsalva libr. cit. cap. 2. §. 4.

f) Id. §. cit.



nexus & directio.

est; apicem ejus autem aliquoties in adultis versus Eustachii tubam reflexum observavi.

Firmitas connexionis membranae tympani cum processu mallei majore, usus hujus connexionis

§. 128. Tympani membranæ cum mallei processu majore connexio (§. 127) firmior quidem in infante, quam in adulto est: attamen in hoc connexio ista adhuc sat firma est, imprimis versus processus citati apicem. Atque hæc connexio usum habet insignem, nam si tympani membrana processum mallei majorem modo leviter attingeret, tunc per actionem musculi Eustachii processus hic a tympani membrana dimoveretur: cum vero processui mallei citato arcte juncta sit (§. cit.), hinc membrana eundem, in motu constitutum, absque secessionis periculo sequitur. Quia etiam hic mallei processus versus tympani cavitatem curvatus est (§. cit.), hanc ob causam membrana tympani intus tracta apparet, nempe ejus superficies, quæ canalem auditorium externum spectat, magis concava, & altera ejus superficies, quæ tympani cavitatem respicit, magis convexa est.

& quare membrana tympani intus tracta appareat.

Incudis impressio & sulcus parvus, sulcus major.

§. 129. In infantis *incude*, in apice cruris brevis impressionem parvam cum sulco super ea animadverti (g), cujus in adulto aliquod remanet vestigium. Incudis superficies, quæ cum malleo articulatur (h), a sulco (i) circumdatur.

Baseos stapedis

extremitates, margines,

§. 130. *Stapedis* basis eandem cum foramine ovali figuram & magnitudinem habet: circa hanc basin extremitates binæ, margines duo & totidem superficies confiderantur. Extremitatum anterior (k) sæpe aliquantum major est, quam posterior (l). Margo unus, qui superior, arcua-

g) Tab. 2. fig. 6. lit. c.

3. 13. a.

h) 3. 7, 11. a. fig. 12. lit. b. fig. 13. lit. d.

i) 3. 12. c. 13. f.

k) 3. 20. c.

l) 3. 20. d.



arcuatus (m), alter vero, qui inferior, rectilineus est (n), hique margines versus tympani cavitatem prominent, quapropter baseos superficies, quæ tympani cavitatem respicit, concava apparet, sulci figuram satis bene exhibens (o): altera autem baseos superficies convexa est, vestibulum respicit ac foraminis ovalis membranæ adhæret: baseos vero margines per eandem membranam foraminis ovalis sulco nectuntur. & nexus in foramine ovali.

§. 131. Officulum, quod inter stapedis caput ac incudis crus longum situm est (p), *orbiculare* vocatur, *Vesalva* illud ovale (q), *Teichmeyerus* vero semilunare nominandum esse existimant (r). Idem officulum a *Teichmeyero* inter auditus officula quinto loco, a plerisque Anatomicis vero quarto loco numeratur, a quibusdam pro incudis epiphysi, rectius vero a plerisque Autoribus pro osse peculiari habetur: nam si epiphysis esset, temporis successu in apophysin mutaretur; sed non modo in infante, verum etiam in sene ab incude separari potest. Officuli orbicularis situs. *Teichmeyerus* illud quintum os censet. Hoc os non est epiphysis incudis.

§. 132. *Teichmeyerus* officulum quartum ad stapedis latus, ubi musculus stapedi inseritur, collocat (s); at hoc officulum in homine nondum vidi. Sextum officulum inter incudem & malleum in vitulo idem Anatomicus peritissimus detexit (t), quod ego inter plures, quam trecentas aures humanas, in unica tantum infantis aure observavi (u), quod cum aure conservo. Septimum officulum, in vitulo *Teichmeyerus* quartum & sextum officulum, quod semel in homine observavi.

m) Tab. 3. fig. 20. lit. b.

n) 3. 20. a.

o) 3. 20. e.

p) 3. 13. b.

q) Libr. cit. cap. 2. §. 9.

r) Dissert. cit. pag. 18.

s) Ibid. pag. 16.

t) Ibid. pag. 21.

u) Tab. 2. fig. 6. lit. g.

fig. 22. lit. b. fig. 23. lit. c.



Teichmeyer-  
ri septimum.

vitulo a cel. viro repertum (v), in homine non animad-  
verti.

Incremen-  
tum officulo-  
rum in foetu  
duorum,  
trium,

§. 133. In foetu duorum mensium officula non po-  
tuit observare, cum ne cavitas quidem tympani conspi-  
cua esset (§. 108). In foetu autem trium mensium malleus  
erat cartilagineus, cujus caput a processu majore discernere  
poteram (w). Incus similiter cartilaginea erat, excepto  
crure ejus longo, cujus ossificatio prope incudis corpus in-  
cipiebat (x): crus vero breve a corpore nondum distingui  
poterat. Stapedis caput osseum erat (y), eique substantia  
cartilaginea, membranis involuta, annectebatur (z).

quatuor,

§. 134. In quatuor mensium foetu mallei caput  
erat quidem osseum, ea vero capitis superficies, quæ cum  
incude articulatur, a lamella obtegebatur cartilaginea (a).  
Processus mallei primus maxima ex parte adhuc cartilagi-  
neus erat; secundus non distinguebatur; tertius osseus ob-  
servabatur, capilli instar tenuis & lineam circiter longus (b).  
Ea incudis superficies, quæ cum malleo articulatur, a la-  
mella cartilaginea obtegebatur (c), atque apices crurum  
incudis (d), itemque stapes eo in loco, ubi basis cum cru-  
re stapedis anteriori connectitur (e), cartilaginei erant.

quinque,

§. 135. Lamella cartilaginea, quæ in foetu quatuor  
mensium tegit mallei superficiem cum incude articulatam,  
in foetu quinque mensium ossea erat, & sulcus inter hanc  
lamellam osseam ac mallei caput observabatur (f). Pro-  
cessus

v) Ibid. pag. 22.

w) Tab. 3. fig. 1.

x) 3. 10. lit. a.

y) 3. 15. a.

z) 3. 15. b.

a) 3. 3. c.

b) 3. 3. a.

c) 3. 11. a.

d) 3. 11. b, c.

e) 3. 16. a.

f) 3. 4. a.



cessus mallei primus versus apicem adhuc cartilagineus erat; secundus distincte apparebat (g). Lamella cartilaginea, quæ in foetu quatuor mensium incudis superficiem, cum malleo articulata, tegit: in foetu quinque mensium ossea erat, & sulcus inter hanc lamellam osseam & incudis corpus conspiciebatur (h), cujus breve crus circa apicem cartilagineum adhuc erat. Stapes perfecte osseus erat. Officulum orbiculare, a cartilagine obductum, apparebat. In sex & septem mensium foetibus ossicula nihil cartilaginei amplius habebant; sed perfectiora & majora existebant.

sex & septem mensium.

§. 136. *Kerckringius* refert, quod hæc ossicula quinto demum mense conspicienda se præbeant (i). Sed ea tertio mense jam observavi (§. 133). De stapede idem scriptor dicit, quod quinto, imo ne sexto quidem mense, formam suam obtinuisset (k): sed jam mense quinto eam habet (§. 135). *Kerckringii* figura, quam exhibet de stapede quinque mensium (l), convenit cum mea foetus quatuor mensium (m), nisi quod eum circa conjunctionem cruris anterioris cum basi cartilagineum deprehenderim (n).

Observationes *Kerckringii* cum nostris conferuntur.

§. 137. Tympani cavitas cum in foetu trium mensium admodum parva sit (§. 108), hinc ossicula, in ea contenta, & se invicem, & cavitatis hujus parietes quam proxime tangunt. Mensibus vero sequentibus, crescente tympani cavitate, ossicula & a quibusdam cavitatis hujus locis, & a se invicem recedunt, salva tamen horum ossiculorum inter se connexione. Mallei processus major mense tertio

Ossiculorum inter se, & cum cavitate tympani connexio, itemque ossiculorum a se invicem, & a quibusdam cavi-

H

&

g) Tab. 3. fig. 4. lit. d.

h) 3. 12. c.

i) Libr. cit. pag. 223.

k) Pag. ead. & 224.

l) Libr. cit. tab. 35. fig. 4.

m) Tab. 3. fig. 16.

n) 3. 16. lit. a.



tatis tympani  
locis feces-  
sio,  
mallei,

incudis,

stapedis.

Ligamenta  
officulorum  
quomodo  
orianur

& numerus.

Ligamentum  
primum,

& quarto cruri incudis longo quam proxime adjacet (o); mense quinto vero ab eodem crure distat (p), quæ distantia mensibus sequentibus augetur. Idem mallei processus ab hamulo canalis pro musculo Eustachii mense quinto minus, quam mensibus sequentibus distat. Incudis corpus & crus breve, mense tertio & quarto, canalem semicircularem externum quam proxime tangunt; mense quinto autem ab eodem canale distant, quæ distantia mensibus sequentibus major observatur. Crus incudis longum, mense tertio & quarto, processui majori mallei proxime accumbit (q), mense quinto autem ab eodem processu distat (r), quæ distantia major fit mensibus sequentibus. Stapedis caput mense tertio illi cavitationis tympani loco, ubi postea canalis pro musculo stapedis apparet, valde propinquum observatur; a quo loco mense quarto idem caput aliquantum distat, mense quinto autem stapedis caput ab orificio canalis muscoli sui paulo magis distat, quæ distantia mensibus sequentibus aliquantum augetur.

§. 138. Cavitationis tympani membrana (§. 102) productiones format, quæ in foetu trium mensium auditus officula involvunt (§. cit.), eademque inter se, & cum cavitationis tympani parietibus arctissime connectunt. Quando autem mensibus sequentibus tympani cavitas crescit (§. 110, III.), & officula hanc ob causam a se invicem recedunt (§. 137): tunc membranæ cavitationis tympani productiones elongantur, tenduntur & officulorum *ligamenta* vocantur. Horum quinque numerari possunt, sæpe vero duo vel tria tantum apparent; quia reliqua ligamenta vel plane deficiunt, vel rumpuntur, dum cavitas tympani aperitur. *Ligamentum primum* sulcis mallei & incudis infigitur, horumque officulo-  
rum

e)	Tab. 3.	fig. 21.	lit. e.	fig. 22.	lit. a.
p)	3.	23.	a.		
q)	3.	21.	e.	22.	a.
r)	3.	23.	b.		



rum articulationem ligamenti capsularis instar circumdat : *secundum*, malleum & incudem cavitatis tympani parieti su- secundum,  
periori & partis squamosæ cavitati annectit : *tertium*, a mar- tertium,  
gine inter incudis crura, ad tuber, sub quo canalis semicir-  
cularis externus latet, se extendit : *quartum*, crus incudis quartum  
longum cum processu mallei majore connectit : *quintum*, & quintum.  
incudis crus longum cum ossiculo orbiculari, & stapede con-  
jungit, atque in hujus sulco expanditur, ubi *membrana sta-*  
*pedis* vocatur.

§. 139. Exinde patet ; ossicula hæc perioftio inve- Perioftium  
ftiri, quod quidem a *Casserio* (s), *DuVerney* (t), *Valsalva* officulorum  
(u) &c. negatur; rectius vero a *Vieussens* (v), *Ruysehio* (w), externum  
*Winslow* (x) &c. statuitur. Perioftii hujus vasa delineavit & vasa ejus.  
*Ruysehio* (y), quæ in quibusdam subjectis, etiam sine inje-  
ctione, sat perspicue apparent.

§. 140. *Aquapendens* refert, malleum cavum esse Examen sen-  
(z), de incude autem, num etiam cava sit, tacet. *Casseri* tentiarum  
affirmat, se hæc ossicula in adultis sæpissime cava reperis- Autorum de  
se (a), quod tamen nondum observavi. *Columbus* (b), officulorum  
*C. Bartholinus* (c), *Spigelius* (d), *Th. Bartholinus* (e) &c. hæc cavitate.  
ossicula cava esse tradunt; num vero in omnibus subjectis,  
an in certa tantum ætate, ita se habeant, silent. Accura-

H 2

tius

s) De auditu libr. 1. cap. 12. & libr. 3. cap. 9.

t) Libr. cit. pag. 26.

u) Libr. cit. cap. 2. §. 12.

v) Traité de l'oreille pag. 28. 33.

w) Thesaur. anatom. pag. 36.

x) Libr. cit. tom. 4. part. 2. no. 396. & 407.

y) Epistol. 8. tab. 9. fig. 1.

z) De auditu part. 1. cap. 5.

a) De auditu libr. 1. cap. 12.

b) De re anatomica libr. I. cap. 12.

c) Anatom. corpor. human. Restoch. 1623. lib. 23. pag. 392.

d) Corpor. human. fabric. libr. 2. cap. 9.

e) Anatom. reformat. Amstelod. 1686. pag. 715.



tius autem *Cassorius* (f), *DuVerney* (g) & *Valsalva* (h) in infantibus horum ossiculorum substantiam minus solidam statuunt. *Schelhammerus* asserit, se diffregisse ossicula in illisque nullas observasse cavitates (i), sed non addit, in cujus ætatis subjectis hæc experimenta instituerit: conjicio tamen, quod puerorum ossicula sumserit; nam paulo ante dixit, quod ab Autoribus vulgo tradatur, hæc ossicula in puero intus cava & medulla referta esse. Quodsi igitur in pueris experimentum instituerit; non mirandum est, eum non vidisse cavernulas, quia in talibus subjectis non amplius apparent: sin vero in infante recens nato idem fecisset, cavernulas vidisset.

Cavitas mallei & incudis in foetu quatuor & c. mensium & in infante.

Cavitas stapedis in foetu quinque mensium.

Periostrum internum & vasa mallei atque incudis.

§. 141. In foetibus quatuor & quinque mensium, itemque in infante recens nato mallei caput, & processum majorem, incudis corpus & crura cava esse observavi (k). In aliis foetibus, quo magis ad tempus nativitatis ordinarium appropinquabant, eo minus conspicua erat mallei & incudis cavitas, quæ in infante recens nato minor adhuc apparebat: cavitas tamen incudis præ mallei cavitate major erat. In quinque mensium foetu stapedis crus posterius cavum observavi (l), quæ cavitas vero in infante recens nato disparet. Ossiculum orbiculare adeo exiguum est, ut, num cavernulis sit præditum, videre non potuerim.

§. 142. Iniectione in foetu septem mensium instituta, in mallei & incudis cavitatibus oculo armato membranam, vasis sanguiferis gaudentem, observavi, quam membranam periostrum horum ossiculorum internum non immerito appellamus.

§. 143.

f) De auditu libr. I. cap. 12.

g) Libr. cir. pag. 61.

h) Libr. cit. cap. 2. §. 12.

i) Libr. cit. pag. 61.

k) Tab. 3. fig. 3, 4. lit. b. fig. 8. lit. a, b. fig. 9. lit. a. fig. 12. lit. a. fig. 14. lit. a, b.

l) Tab. 3. fig. 18. lit. a.



§. 143. Unde vero illud, ejusque vasa oriantur, & qua via in officula intrent, ex modo dictis deducendum est. In foetibus enim quatuor & quinque mensium, processus major mallei circa apicem crassa quadam gaudebat substantia (§. 134, 135), quam *Kerckringius* cartilaginem esse dicit (m): ea vero est hujus substantiæ qualitas, ut num inter cartilagine, an vero inter membranas referenda sit, difficile admodum sit judicatu. Quodsi substantia hæc membrana est, periostrum mallei internum a tympani membrana, ejusque vasa ab illius vasis immediate oriuntur: sin cartilago est, periostrum mallei internum a tympani membrana, ejusque vasa ab illius vasis, mediante hac substantia cartilaginea, oriuntur.

De ortu periostrii interni & vasorum mallei

§. 144. In foetu quatuor & quinque mensium observavi, cruris incudis brevis apicem habere substantiam crassam (n), similem illi, quæ in mallei processu majore a me notata est (§. 143). Cum vero quæ de hac processus mallei substantia crassa sentiam, jam indicaverim (§. cit.), ea nunc repetere nolo: ortum potius periostrii interni incudis exponam. Ligamentum scilicet ossiculorum secundum, quod incudem, imprimis crus ejus breve, cavitati partis squamosæ annectit (§. 138), simul cum vasis per apicem cruris brevis incudem intrat, ejusque periostrum internum, vasis repletum, constituit. Substantia ista crassa cruris brevis in foetu sex mensium in os quidem mutata est (§. 135), sed in hujus & reliquarum ætatum subjectis impressio cum sulco observatur (o), iisque ligamentum secundum (§. 138) accrescit, fibras innumeras in incudem ibidem immittens.

Rationes, periostrum in-

§. 145. Cavitas, quæ in stapedis crure crasso, in foetu quinque mensium a me observata est (§. 141), in eo-

H 3

dem

m) Libr. cit. in explicat. tab. 35. fig. 4.

n) Tab. 3. fig. 11. lit. b.

o) 2. 6. c.



ternum & vasa  
stapedis  
suadentes.

dem subjecto, præ cavitatibus mallei & incudis minor est: quam ob causam in hac stapedis cavitate periostrum internum & vasa observare mihi nondum licuit: attamen, quia malleus & incus periostrum internum & vasa habent (§. 142, 143, 144), ea stapedi quoque attribui possunt. Periostrum interni & vasorum stapedis ortus ligamento ossiculorum quinto debetur (§. 138), quod tam circumferentiæ externæ quam internæ cruris istius crassi adhæret.

Ossiculorum  
morbi.  
Observationes  
de carie

§. 146. Auditus ossicula eodem modo ac reliqua corporis nostri ossa morbis, ut cariei &c. obnoxia sunt: sic, cum aliquando ex adulti aure, statim post mortem ossicula eximerem, in incudis corpore maculam nigram videbam (p), quam cum osse exterius adhærere putarem, abradere irritò tamen conatu tentabam. Quare incudem attentius examinans, foramen nigricans exiguum in crure incudis longo observavi (q), per quod setam usque ad incudis corpus, ad locum, qui exterius instar maculæ nigræ apparebat, immittere poteram. Materia purulenta per foramen illud, setæ ope foras eliminata, macula illa nigra simul disparuit. In aliis incudibus, diversæ magnitudinis & figuræ excrescentias observare mihi contingit (r).

& excrescentiis  
incudis.

Dicenda de  
magnitudine  
&c. ossiculorum  
ad aliud tempus  
differuntur.

§. 147. De horum ossiculorum magnitudine, gravitate & articulatione quædam dicenda quidem essent; de illis tamen alio tempore agetur: consulantur interim Auctores passim citati, imprimis *DuVerney*, *Valsalva* & *Winslow*, atque hic præsertim in egregio sæpiusque citato tractatu de illorum ossiculorum situ, & distinctione inter auris dextræ & sinistræ ossicula, optime egit.

Ossiculorum  
musculi.  
Musculi mallei.

§. 148. Ex hisce ossiculis malleus & stapes *musculos* habent. Malleo tres a *Valsalva* (s), *Winslow* (t), *Heistero*

p) Tab. 3. fig. 7. lit. b.

q) 3. 7. c.

r) 3. 13. e.

s) Libr. cit. cap. 2. §. 5.

t) Libr. cit. tom. 4. part. 2. no. 399.



*stero* (u) & aliis tribuuntur, qui a viris laudatis optime describuntur. *Primus mallei musculus* vocatur externus (v), nam in canali auditorio externo situs est, inde versus mallei processum secundum procedit, eique inseritur. Detectio hujus musculi *Casserio* potius, quam *Aquapendenti*, prout *Schelhammerus* probat, est adscribenda (w). Paucis & brevibus tantum fibris constat, quæ in nonnullis modo subjectis apparent, in plerisque autem hic musculus a canalis auditorii membranis vix distingui potest.

Musculus  
Casserii,  
ejus situs,  
directio,  
detector &  
magnitudo.

§. 149. Sic etiam *secundus mallei musculus* externus vocatur (x), quippe qui maximam partem extra tympani cavitatem, prope fissuram (y), situs: ibidem perioestio ossis temporum accrescit, deinde per fissuram citatam tympani cavitatem intrat, atque in sulco, qui vel in annuli extremitate anteriore, vel in pariete anteriori canalis auditorii est, progreditur, & processui mallei tertio inseritur. Hic musculus major est quam *Casserii* musculus, & a plerisque Autoribus *musculus Folii* appellatur; a quibusdam autem ob directionem suam *obliquus* vocatur. Ejus fibræ non æque in omnibus subjectis apparent, quam ob causam etiam a *Schelhammero* pro ligamento habetur, & negatur, quod processui mallei, a *Folio* detecto, musculi mallei externi tendo inferatur (z): sed *Folius* intelligit musculus mallei secundum, *Schelhammerus* vero musculus mallei primum.

Musculus  
Folii,

ejus situs,  
nexus,  
directio,

magnitudo,  
& nomen.

Schelham-  
meri error  
circa hunc  
musculum.

§. 150. *Tertius mallei musculus* vocatur *Eustachii musculus*, quoniam ab eo primum in homine observatus est (a), a *Vesalio* quidem jam visus fuerat in vitulo, locus tamen

Musculus  
Eustachii,  
ejus nomen

u) Libr. cit. §. 318.

v) Tab. 3. fig. 6. lit. a.

w) Libr. cit. pag. 42.

x) Tab. 3. fig. 6. lit. b.

y) I. I, 2. f.

z) Libr. cit. pag. 40. 41.

a) Epistol. de auditus organis. Venetis 1564. pag. 158.  
Tab. m. 3. fig. 6. lit. c.



situs,

nexus

&amp; directio.

De ejus tendine

&amp; magnitudine.

Historia musculorum mallei.

Musculus stapedis, ejus situs,

tamen inter musculos illi nullus tribuitur (b). Hic musculus internus est, quippe in tympani cavitate situs, & per membranam cavitatis tympani firmatus est in canali, circa cujus hamulum inflectitur, & processui mallei primo inferitur tendine gracillimo, secundum *Eustachium* uno (c), secundum *Casserium* (d) & *Vestlingium* autem duplici (e). Aliquoties observavi, quod a margine inferiore canalis pro musculo Eustachii, circa canalis hamulum, membrana, quæ musculus & canalem involvit, hujus musculi tendinem comitetur, & processui mallei tertio inferatur. Hæc membrana facile a tendine musculi Eustachii secedere, & tendinem mentiri potest. Quod denique ad magnitudinem attinet, musculus hic major est musculis mallei externis.

§. 151. *Valsalva* primus fuit, qui istos tres musculos conjunctim recensuit: nam licet ante eum jam detecti fuerint, Autores tamen, qui eum antecesserunt, duos modo musculos recensent, musculus vel *Casserii*, vel *Folii* omittentes. *Valsalvam* sequutus *Vieussens* unicum modo musculus agnoscit, quem *monogastricum* vocat (f), sed musculus Eustachii tali modo partitur, musculus *Casserii* & *Folii* omittens. Tres musculos malleo quidem tribuit *Nogues* (g), at musculus *Folii* in duos dispertitur, quorum unum vocat externum, alterum vero obliquum, *Casserii* autem musculus omittit.

§. 152. *Stapes musculus* habet (h), qui situs est in canali (i), in quo a membrana involutus, firmatur & cum

b) Exam. observat. Fallop. Venet. 1564. pag. 25.

c) Epistol. &amp; pag. cit.

d) De auditu libr. 1. cap. 13.

e) Syntagm. anatomic. Amstelod. 1666. pag. 257.

f) Traité de l'oreille pag. 40.

g) Anatomie abrégée Paris 1726. pag. 317.

h) Tab. 3. fig. 19. lit. e.

i) 2. 3. g. fig. 4. lit. f.

3. 23. d. 24, 25, 26, 27. lit. c.



cum nervi auditorii portione dura per foramen, quod est <sup>nexus</sup> in septo inter canalem Fallopii & canalem pro musculo stapedis, conjungitur. Musculi caput inferiorem, locum vero <sup>& directio.</sup> in canali superiorem tendo occupat, hicque per orificium canalisi sui ad stapedem ascendit, cujus capiti, versus crus posterius, inferitur. *Cowperus* (k) & qui eum sequuntur, <sup>Lapsus Cow-</sup> perhibent quidem hunc tendinem ad stapedem descendere, <sup>peri &c. circa</sup> sic etiam delineatur a *Cowpero* (l): hæc autem figura totum <sup>eandem di-</sup> organon in situ inverso exhibet, secundum quem tendo ad <sup>rectionem</sup> stapedem descendit.

§. 153. Musculum hunc in equo primus observa- <sup>Historia</sup> vit *Casseri* (m), in homine eum non detexit: nam licet <sup>musculi sta-</sup> viderit hujus musculi tendinem, qui a canalisi sui orifi- <sup>pedis.</sup> cio ad stapedis caput ascendit, pro ligamento tamen eundem habuit, cui opinioni etiam *Aquapendens* (n), *Columbus* (o), *Schelhammerus* (p) & alii accedunt, qui reliquam maximamque musculi portionem, in canale contentam, plane non animadverterunt. *Vesalius* hunc musculum jam ante *Casserium* in bove quidem observavit, pro musculo autem non habuit (q).

§. 154. Horum musculorum incrementum in fœ- <sup>Horum mu-</sup> tu unius mensis, vel duorum mensium, vix quisquam, propter <sup>sculorum in-</sup> nimiam exiguitatem & teneritudinem, observare poterit. <sup>crementum</sup> In trium mensium fœtu fibram, malleo insertam, deprehen- <sup>in fœtu</sup> debam (r), quam Eustachii musculum fuisse suspicor, qui in <sup>trium,</sup> quatuor mensium fœtu distinctius paulo apparebat: eodem <sup>quatuor,</sup> mense quarto, stapedis musculus in tympani cavitate a mem- <sup>branis</sup>

k) Myotomia reformat. London. 1724. pag. 33.

l) Libr. cit. pag. 143. fig. 2, 3, 8.

m) De auditu in explicat. tab. 9. fig. 24.

n) De auditu part. I. cap. 5.

o) De re anatomica libr. I. cap. 7.

p) Libr. cit. pag. 46.

q) In examin. observat. Fallop. pag. 28, 105.

r) Tab. 3. fig. 1.



quinque  
mensium,

usque ad in-  
fantem na-  
tum.

Horum mu-  
sculorum in-  
crementum  
post nativita-  
tem.

Ubi de his  
musculis plu-  
ra occurrant.

branis involutus, ac portioni duræ accrevisse observatur. In foetu vero quinque mensium stapedis musculus in canale suo, jam existente (§. III), latet; & tantummodo tendo, ab orificio canalis citati ad stapedem ascendens, apparet. Eodem mense quinto Eustachii musculus in canale suo, jam osseo (§. cit.), situs est. Mallei vero musculum utrumque externum in ejusmodi foetibus nondum videre poteram, utpote qui teneriores adhuc sunt, quam musculus mallei internus, & musculus stapedis; in infante autem recens nato hi musculi externi nonnunquam observantur.

§. 155. Quæritur nunc, num post infantis nativitatem hi musculi crescant? de quo plerique Autores silent: eos in parvis & magnis subjectis æquales esse refert *Cassorius* (s): *Waltherus* contra iisdem, imprimis Eustachii musculo, incrementum aliquod recte adscribit (t): hic enim musculus in adulto major, quam in infante observatur; ejus incrementum etiam ex canalis sui latitudine & longitudine majori in adulto quam in infante patet (u). Porro canalus pro musculo stapedis in adulto plerumque major est, quam in infante (v); & musculus hicce, qui incrementa cepit, canalem replet: in illis vero adultis, in quibus hic canalus minorem capacitatem, quam in aliis adultis habebat (§. 97), stapedis musculum e suo canali, per septi foramen (§. cit.), se in Fallopii canalem extendere observabam. Similiter mallei musculi externi post nativitatem crescunt.

§. 156. De horum musculorum actione alio loco quædam proferentur: consulantur interim Autores passim citati, imprimis *Du Verney* (w) & *Valsalva* (x).

§. 157.

s) De auditu libr. I. cap. 13.

t) Differt. cit. §. 11.

u) Tab. 2. fig. 3. lit. n. fig. 4. lit. b.  
3. 28, 29. a, b.

v) 3. 24, 25, 26, 27. lit. c.

w) Libr. cit. pag. 75. &c.

x) Libr. cit. cap. 5. §. 3, 11.



§. 157. Mutatur omne corpus crescens, qua tale, Mutatio fi-  
 duplici modo, vel tantum quoad molem, manente figuræ gurae ossicu-  
 similitudine, ut si globus minor fit major: vel quoad mo- lorum,  
 lem & figuram simul, ut si globus minor in aliquod majus  
 corpus ovale convertitur. Posteriori modo mutatur ossicu-  
 lorum auditus figura, quando incrementa capiunt: nam  
 mallei processus major, in foetu usque ad quartum mensem  
 rectilineus est (y), postea vero introrsum versus tympani  
 cavitatem curvatur (z). Incudis crus longum usque ad  
 quartum mensem rectilineum est (a), postea vero intror-  
 sum, versus tympani cavitatem curvatur (b). Stapes quar-  
 to mense figura gaudet fere circulari (c), mense quinto au-  
 tem stapedis figuram exhibet, cujus crus posterius jam ali-  
 quanto magis, quam anterieus, curvatum observatur (d).  
 Causam hujus mutationis ossiculorum, ex profundo naturæ  
 abyssu pro virili eruere conabor.

§. 158. Quando nimirum crescit partis petrosæ su- mallei,  
 perfcies interna & superior, quæ cavitatis tympani parie-  
 tem superiorem maxima ex parte format (§. 24, 43, 84):  
 quando crescit partis petrosæ superficies externa & inferior,  
 quæ cavitatis tympani parietem inferiorem constituit  
 (§. 28, 44, 84): tunc ab illis non solum pars squamosa (§. 12)  
 una cum annulo (§. 32) & membrana tympani (§. 72), sed  
 & malleus extrorsum urgentur. Nam mallei caput cavitatis  
 tympani parieti superiori (§. 83), & partis squamosæ ca-  
 vitati (§. 15) per ligamentum secundum (§. 138); mallei pro-  
 cessus major minorque membranæ tympani (§. 127); proces-  
 sus minimus annuli sulco transversali (§. 59) annectuntur.

I 2

Hinc

- y) Tab. 3. fig. 1, 2. fig. 3, 4. lit. b. fig. 22. lit. a.
- z) 3. 5, 6, 7, 9. fig. 23. lit. a.
- a) 3. 11.
- b) 3. 7, 12, 13, 14.
- c) 3. 16.
- d) 3. 17, 18.



Hinc malleus a canali pro musculo Eustachii dimovetur (§. 137), & musculus hic, qui processui majori mallei inferitur (§. 150), ab hoc processu e canale suo aliquantum protrahitur: hinc etiam incudis crus longum, quia per ligamentum quartum (§. 138) mallei processui majori nequitur, ab hoc extrorsum trahitur. Sed musculus Eustachii, membrana involutus, & per eam in canale suo firmatus (§. 150), præterea elasticus est (per structuram musculi): resistit igitur processui majori mallei, imo eundem ad se introrsum ducit. Crus incudis longum stapedi per ligamentum quintum (§. 138) quoque jungitur, atque introrsum a stapede trahitur (§. 160): resistit igitur processui mallei, imo eundem introrsum trahit. Quapropter processus mallei major, qui in foetu ad quartum mensem usque rectilineus erat (§. 157), dum a duabus viribus, musculo nempe & crure incudis longo, secundum eandem directionem agentibus, postea introrsum trahitur, curvatur: simul autem cum malleo membrana tympani introrsum trahitur, ejusque superficies interna fit convexa, externa autem concava, quæ utraque ad quartum mensem usque plana erat.

Incudis,

§. 159. A crescentibus cavitatis tympani parietibus incus pari modo ac malleus (§. 158) extrorsum urgetur: quia incudis corpus parieti superiori cavitatis tympani, & crus incudis breve cavitati cuidam partis squamosæ per ligamentum secundum (§. 138) nequitur. Crus incudis longum extrorsum quoque ducitur a processu mallei majore (§. 158), quia huic connectitur per ligamentum quartum (§. 138). Idem vero crus longum incudis, stapedis capiti per ligamentum quintum nequitur (§. cit.); hinc quando incus extrorsum urgetur, crus ejus stapedem, versus aurem externam trahit: sed stapes a musculo, qui capiti suo inferitur (§. 152), & a foraminis ovalis membrana, cui membranæ basis stapedis adhæret, per eamque membranam in foraminis ovalis sulco firmatus est (§. 94), retinetur. Stapes igitur cruri incudis longo resistit



resistit, imo illud ad se introrsum trahit: quare crus incudis longum, quod in foetu usque ad quartum mensem rectiligneum erat (§. 157), cum inter duas vires inæqualiter & in contrariam directionem agentes, nempe inter processum mallei majorem, crus longum incudis extrorsum trahentem, & inter caput stapedis, a quo crus incudis introrsum urgetur, positum sit, vi majori stapedis cedit, & ab eodem mensibus ultimis introrsum trahitur ac curvatur. Idem hoc crus incudis longum mallei processui majori per ligamentum quartum (§. 138) quoque necitur: hinc quando crus incudis longum a stapede introrsum trahitur, tunc mallei processum majorem secum introrsum trahit, sicque ad ejus curvationem multum contribuit.

§. 160. Eodem tempore, quo tympani cavitas <sup>stapedis.</sup> crescit, cavitas ea labyrinthi, quæ vestibulum dicitur (§. 7), quoque crescit, & parietem suum, in quo est foramen ovale (§. 94), quodque tam ad cavitatem tympani, quam ad vestibulum pertinet, una cum stapede, imprimis basin ejus, in foramine ovali sitam (§. 130), extrorsum urget. A crescente tympani cavitate stapes etiam, imprimis autem crura & caput ejus, propter connexionem, quam idem caput per ligamentum quintum cum crure incudis longo habet (§. 138), extrorsum trahuntur (§. 159). Stapedis igitur caput ab orificio canalis pro musculo suo dimovetur (§. 137), & musculus, capiti stapedis insertus, a stapede e canali suo protrahitur: sed musculus, a membrana involutus & per eam in canali suo firmatus, cum portione dura quoque connexus (§. 152), prætereaque (vi structuræ) elasticus, stapedi resistit, imo eum ad se trahit. Quapropter crus stapedis posterius, cum inter duas vires, agentes secundum diversas directiones, nempe inter vestibulum, quod basin stapedis extrorsum urget, & inter tendinem musculi, qui caput stapedis lateraliter ad se trahit, positum sit, magis, quam crus anterior, quod in actione vestibuli a reactione musculi est liberum,



rum, curvatur. Stapes etiam cum a membrana foraminis ovalis (§. 94), & musculo (§. 152) in situ suo retineatur: hinc cruri incudis longo, stapedem, versus aurem externam, trahenti (§. 159) resistit, imo crus istud ad se introrsum retrahit (§. cit.).

Contradictio  
circa officu-  
lorum & mu-  
sculorum a-  
ctiones appa-  
rens, tollitur.

§. 161. Quod a mallei processu majore musculus Eustachii & incudis crus longum extorsum trahantur, antea (§. 158) dixi; paulo post autem (§. cit.) asserui, eundem mallei processum ab incudis crure longo, & ab Eustachii musculo introrsum trahi. Incudis crus longum stapedem, imprimis caput ejus extorsum trahere (§. 159) retuli, paulo post vero (§. cit.) affirmavi, caput stapedis crus incudis longum introrsum trahere. Stapedem musculum suum protrahere, huncque illum retrahere (§. 160) dixi. Hæc contradictoria sibi videntur, sed non sunt: nam secundum Illustrem *Wolfium*, Philosophum acutissimum: *Nulla datur in corporibus actio sine reactione* (e), & *Si duo corpora vi inæquali adversus se invicem secundum contrarias directiones nitantur, motus sequitur secundum directionem fortioris seu majoris* (f).

Chordæ tym-  
pani ortus,  
directio,

§. 162. Tandem in tympani cavitate considerandus venit nervus, qui vocatur *chorda tympani* (g), & a nervi maxillaris inferioris ramo, ad linguam tendente (h), oritur. Chorda hæc ab ortu suo reflexa ad fissuram (i) ascendit, & Folii musculum, huic fissuræ accumbentem, comitatur: porro in annuli vel canalıs auditorii sulco transversali decurrit, & Folii musculo exiguam propaginem inserit, uti statuit *Valsalva* (k), vel ut ipse observavi, huic musculo

e) *Cosmolog.* §. 315.

f) *Ibid.* §. 342.

g) *Tab.* 3. *fig.* 23. *lit.* m.

h) *Vieussens Neurographia Lugd. Gall.* 1685. *libr.* 3. *cap.* 3. *tab.* 22. *no.* 4. *tab.* 23. *lit.* h.

i) *Tab.* 3. *fig.* 23. *lit.* l.

k) *Libr. cit.* *cap.* 2. §. 22.



lo accrevit. Chorda deinde tympani cavitatem intrat, & post malleum, cui pariter accrevit, oblique supra muscoli Eustachii ad malleum insertionem (l), non vero infra huius muscoli insertionem decurrit, uti vult *DuVerney* (m). Postquam chorda a malleo recessit pone tympani membranam, ad canalis sui orificium internum (n) properat, & per hunc canalem ad Fallopii canalem descendit, in quo cum portione dura in puerili ætate conjungitur. Quando vero chordæ canalis in Fallopii canalem non inseritur, uti in fœtu, item recens nato & aliquot annorum infantibus observavi (§. 99); tunc chorda e canali suo per orificium canalis externum (o) egreditur, & post aurem externam cum portione dura, per foramen stylo-mastoideum egressa, conjungitur.

conjunctio

cum portione dura in canale Fallopii,

extra canalem Fallopii.

§. 163. Canalis chordæ aliam in juvene & adulto, quam in infante & puero, directionem habet (§. 99): namque huius canalis orificium internum, quod in infante statim post fulcum reperitur, qui membranam tympani continet, in adulto ab hoc sulco nonnunquam distat (§. cit.); sequitur inde, non solum tympani chordæ directionem cum canale ipso pro ætatibus variare, sed etiam in infantibus atque in quibusdam adultis chordam, membranæ tympani valde propinquam, in aliis adultis vero ab eadem membrana magis esse dimotam.

Chordæ tympani pro variis ætatibus diversa directio

& distantia,

TABULA

l) Eustachius epistol. cit. pag. 163.

Coiterus libr. cit. pag. 99.

m) Libr. cit. pag. 51.

n) Tab. I. fig. 1. lit. α.

o) 1. 1. v.



# TABULA PRIMA.

Fig. 1. Os temporum infantis recens nati, externe consideratum.

- a Partis squamosæ superficies externa.
- b Processus Zygomaticus.
- c Eminentia transversalis.
- d Cavitas transversalis.
- e Eminentia minor alia.
- f Fissura.
- g Sinuositas.
- h Pars petrosa.
- i Ejus cum parte squamosa conjunctio.
- k Eustachii tuba.
- l Foramen pro carotide interna.
- m Partis petrosæ apex.
- n - - - - - basis.
- o - - - - - superficies externa & superior.
- p - - - - - superficies interna & inferior.
- qq Margo inter has superficies.
- r Foramen pro carotide interna.
- s Processus styloideus.
- t Processus mastoideus.
- u Portio dura e foramine stylo-mastoideo egrediens.
- v Chorda tympani per orificium inferius canalis sui egrediens, seque cum portione dura conjungens.
- w Foramina.
- x Annuli a superficie externa considerati pars media.
- y - - - - - Pars anterior.
- z - - - - - posterior.
- a Canalis pro chorda orificium superius.
- β Productio superficiei externæ & inferioris ossis petrosi.
- γ Fibra ossea inter canalem musculi stapedis & foramen rotundum.

Fig.



Fig. 2. Os temporum adulti externe consideratum.

- a Partis squamosæ superficies externa.
- b Processus Zygomaticus.
- c Eminentia transversalis.
- d Cavitas transversalis.
- e Eminentia alia minor.
- f Fissura in qua partis petrosæ portio apparet.
- g Sinuositas.
- h Eminentia exigua cum cavitate parva in hac sinuositate.
- i Sulcus.
- k Eustachii tuba.
- l Foramen pro carotide interna.
- m Partis petrosæ apex cum sulco.
- n Ejusdem partis basis.
- o Orificium externum canalis auditorii externi ossei.
- p Ejusdem canalis paries posterior.
- q Ejus canalis paries anterior.
- r Locus in eodem pariete adumbratus, ubi foramen in puero observatur.
- s Processus styloideus.
- t Processus mastoideus.
- u Foramen pro vena occipitali.
- v Productio canalis auditorii, quæ ante processum styloideum posita est.

Fig. 3. Os temporum infantis interne consideratum.

- a Partis squamosæ superficies interna.
- b Sulcus pro arteria duræ matris.
- c Foramen, per quod arteriæ duræ matris ramus partem squamosam intrat.
- d Pars petrosa.
- e Ejus basis.
- f Ejus apex.

K

g Par-



- g Partis petrosæ conjunctio cum parte squamosa.  
 h Partis petrosæ superficies interna & superior.  
 i Sulcus cum foraminibus in ejusdem sulci parte posteriori.  
 k Hiatus canalis Fallopii.  
 l Foramina, in ejusdem sulci extremitate anteriori.  
 m Eustachii tuba.  
 n Valsalvæ foramina.  
 o Foramen pro carotide interna.  
 p Canalis semicircularis superior.  
 q Partis petrosæ superficies interna & inferior.  
 rr Margo inter utramque superficiem internam.  
 s Cavitas inter canalem auditorium internum, & semicircularem superiorem.  
 t Pars canalis semicircularis inferioris.  
 u Cavitas subjacens.  
 v Cavitas pro duræ matris sinu laterali.  
 w Canalis auditorius internus.  
 x Arteria, quæ ab arteria cervicali interna oritur, & nervum auditorium comitatur, usque ad marginem canalis auditorii interni, ubi reflectit, & ad cerebellum abit. Ex margine convexo flexionis hujus, arteria oriuntur una; nonnunquam duæ, pili instar tenues, quæ per foraminula, in fundo hujus canalis conspicua, ad labyrinthum tendunt.

Fig. 4. Os temporum adulti interne consideratum.

- a Partis squamosæ superficies interna.  
 b Margo ejusdem superficiei.  
 c Margo superficiei externæ partis squamosæ.  
 d Interstitium inter utrumque marginem.  
 e Protuberantiæ & impressiones.  
 f Sulcus pro arteria duræ matris.  
 g Pars petrosa.

h Ejus-



Fig: 2



Fig: 1



Fig: 4



Fig: 3









- h Ejusdem partis conjunctio cum parte squamosa.
- i Partis petrosæ basis.
- k Ejusdem partis apex.
- l Ejusdem partis superficies interna & superior.
- m Hiatus canalis Fallopii.
- n Foramen pro carotide interna.
- o Tuber canalis semicircularis superioris.
- p Partis petrosæ superficies interna & inferior.
- q Margo cum sulco inter utramque superficiem internam.
- r Canalis auditorius internus.
- s Cavitas.
- t Tuber canalis semicircularis inferioris.
- u Rima.
- v. Cavitas pro duræ matris sinu laterali.
- w Foramen pro vena occipitali.

## TABULA SECUNDA.

Fig. 1. Pars petrosa infantis recens nati, imprimis autem exhibentur hujus partis superficies interna & inferior, atque superficies externa & inferior.

- a Partis petrosæ superficies interna & inferior.
- b Ejusdem partis superficies externa & inferior.
- c Basis.
- d Apex.
- e Canalis auditorius internus.
- f Cavitas inter canalem auditorium internum & canalem semicircularem superiorem.
- g Canalis semicircularis superior.
- h Cavitas pro duræ matris sinu laterali.
- i Pars canalis semicircularis inferioris.
- k Cavitas subjacens canali semicirculari inferiori.



- l. Cavitas pro jugulari interna una cum foraminibus, in,  
& circa hanc cavitatem.  
m Foramen pro carotide interna.  
n Rima in hoc canali.

Fig. 2. Pars petrosa adulti, imprimis autem exhibentur hujus partis superficies interna & inferior, atque superficies externa & inferior.

- a Partis petrosæ superficies interna & inferior.  
bb. Ejusdem partis superficies externa & inferior.  
c Ejusdem partis basis.  
d Et apex cum fulco.  
e Canalis auditorius internus.  
f Rima.  
g Tuber canalis semicircularis inferioris.  
h Rima alia.  
i Cavitas pro duræ matris sinu laterali.  
k Foramen pro vena occipitali.  
l Processus mastoideus.  
m Sulcus.  
n Foramen stylo-mastoideum, sive finis canalis Fallopii, in quo apparet foramen, sive orificium inferius canalis chordæ.  
o Processus styloideus.  
p Cavitas pro jugulari interna, una cum foraminibus, in & circa hanc cavitatem.  
q Foramen pro carotide interna cum foraminibus.  
r Pars petrosa rupis instar aspera.

Fig. 3. Pars petrosa infantis, imprimis autem exhibetur hujus partis superficies externa & superior.

- a Partis petrosæ superficies externa & superior.  
b Ejusdem partis superficies externa & inferior.

c Pro-



- c Processus mastoideus.
- d Sulcus pro chorda tympani.
- e Foramen stylo-mastoideum.
- f Locus, ex quo emergit processus styloideus, processu remoto conspicuus.
- g Canalis pro musculo stapedis.
- h Foramen ovale.
- i Foramen rotundum.
- k Margo superficiei externæ & inferioris partis petrosæ.
- l Eminentia ejusdem superficiei.
- m Eustachii tuba aperta.
- n Canalis pro musculo Eustachii.
- o Productio quædam superficiei internæ & superioris partis petrosæ.
- p Pars superior canalis Fallopii cum foramine.
- q Tuber canalis semicircularis externi.
- r Sinuositas mastoidea.
- s Margo inter utramque partis petrosæ superficiem.
- t Cochleæ tuber cum fulco.

Fig. 4. Pars petrosa adulti, imprimis autem exhibetur hujus partis superficies externa & superior.

- a Hiatus canalis Fallopii.
- b Canalis pro musculo Eustachii.
- c Eustachii tuba aperta.
- d Foramen ovale.
- e Foramen rotundum.
- f Canalis pro musculo stapedis.
- g Processus styloideus.
- h Foramen stylo-mastoideum apertum. Puncta quæ a foramine incipiunt, & sursum ducta sunt, indicant inferiorem canalis Fallopii partem ab osse adhuc tectam.



- i Canalis pro chorda per lineas inter puncta fursum ductas, canali Fallopii antepositus sistitur.
- k Cellulæ processus mastoidei.
- l Sinuositas mastoidea.
- m Canalis semicircularis externus.
- n Pars superior canalis Fallopii.
- o Cochleæ tuber.
- p Paries inferior canalis muscoli Eustachii, prope hamulum excavatus.

Fig. 5. Annulus a superficie interna consideratus.


- a Annuli pars anterior.
- b Sulcus transversus.
- c Annuli pars posterior.
- d Annuli circumferentia externa.
- e Annuli circumferentia interna cum sulco.

Fig. 6. Pars squamosa cum annulo & ossiculis auditus, e cavitate tympani versus aurem externam considerata.

- a Lamella interna partis squamosæ quæ inferius ab eisdem partis lamella externa distat.
- b Cavitas.
- c Parva impressio, supra quam sulcus in incudis crure brevi conspicitur.
- d Cellulæ.
- e Sulcus in circumferentia interna annuli.
- f Processus mallei tertius in sulco contentus.
- g Ossiculum præternaturale, semel a me observatum inter malleum & incudem.



Fig. 1.



Tab. Z.

Fig. Z.




Fig. 3.




Fig. 4.




Fig. 5.





Fig. 6.









## TABULA TERTIA.

Fig. 1. Usque ad 20. auditus ossicula exhibet, de quibus notandum,  
quod Fig. 1. 2. 10. 11. 15. 16. 17. ossiculorum naturalem ostendant magnitudinem,  
Fig. 3. 4. 5. 6. 7. 8. 9. 12. 13. 14. 18. 19. 20. Ossicula per microscopium considerata, adeoque magnitudinem naturalem excedentia exprimant.

Fig. 1. Malleus cartilagineus ex foetu trium mensium cum fibrilla, e tympani cavitate versus aurem externam consideratus.

Fig. 2. Malleus ex foetu quatuor mensium, non linea recta e canali auditorio externo versus tympani cavitatem, sed oblique aliquantum consideratus, in quo situ eundem quoque fig. 3. 4. 5. 6. 7. 8. 9. exhibent.

Fig. 3. Malleus ejusdem foetus quatuor mensium.

a Processus tertius.

b Hiatus in processu primo.

c Superficies mallei, quæ cum incude articulatur, a lamella cartilaginea tecta.

Fig. 4. Malleus ex foetu quinque mensium.

a Sulcus superficiem mallei, quæ cum incude articulatur, circumdans.

b Processus primus.

c Processus tertius.

d Processus secundus.

Fig. 5. Malleus infantis recens nati.

a Caput,

b Su-



b Superficies capitis, quæ cum incude articulatur, distinctius vero observatur in fig. 4.

c Collum.

d Processus primus.

e Processus tertius.

Fig. 6. Consideratio muscutorum mallei extra situm naturalem.

a Casserii musculus.

b Folii musculus.

c Eustachii musculus.

Fig. 7. Malleus & incus adulti.

a Superficies incudis, quæ cum malleo articulatur.

b Macula in corpore incudis.

c Foramen in crure longo incudis.

Fig. 8. Malleus infantis recens nati.

a Cavitas in capite transversim dissecto.

b Foramen in processu primo, transversum dissecto.

Fig. 9. Malleus infantis recens nati.

a Cavitas in capite, secundum longitudinem dissecto.

Fig. 10. Incus ex foetu trium mensium, e canali auditorio externo versus tympani cavitatem considerata, in quo situ eam quoque fig. 7. 11. 12. 14. exhibent.

a Locus, ubi ossificatio incipit.

Fig. 11. Incus ex foetu quatuor mensium.






a Superficies, quæ cum malleo articulatur a lamella cartilaginea tecta.

b apex cruris brevis cartilaginosus.


c apex cruris longi cartilaginosus.

Fig.





27.



26.










Fig. 12. Incus ex foetu quinque mensium.

- a Cavitas in corpore incudis.
- b Superficies incudis, quæ cum malleo articulatur.
- c Sulcus, hanc superficiem circumdans.

Fig. 13. Incus adulti, e tympani cavitate versus aurem externam considerata.

- a Crus breve cum impressione & sulco.
- b Crus incrudis longum cum ossiculo orbiculari.
- c Corpus incudis.
- d Superficies, quæ cum malleo articulatur.
- e Excrefcentiæ.
- f Sulcus superficiem, quæ cum malleo articulatur, circumdans.

Fig. 14. Incus infantis recens nati.

- a Cavitas in corpore incudis, transversim secto.
- b Foramen in crure brevi.
- c Crus longum.

Fig. 15. Stapes in foetu trium mensium.

- a Caput osseum.
- b Reliqua stapedis pars cartilaginea.

Fig. 16. Stapes ex foetu quatuor mensium, qui in alio situ, quam in fig. 17. 18. 19. exhibetur.

- a Substantia cartilaginea circa conjunctionem cruris anterioris cum basi.

Fig. 17. Stapes ex foetu quinque mensium.

Fig. 18. Stapes ex eodem foetu.

- a Cavitas in crure stapedis posteriori.

L

Fig.



Fig. 19. Stapes infantis.

- a Caput.
- b Crus anterior.
- c Crus posterior.
- d Basis.
- e Musculus.

Fig. 20. Basis stapedis a cruribus liberata.

- a Margo rectilineus.
- b Margo arcuatus.
- c Extremitas anterior.
- d Extremitas posterior.
- e Sulcus.

Fig. 21. Naturalis magnitudo ossis temporum ex foetu trium mensium.

- a Pars petrosa cartilaginea.
- b Foramen rotundum osseum.
- c Pars squamosa ossea.
- d Annulus cum fulco.
- e Malleus & Incus e cavitate tympani ex parte prominentes.
- f Tuber cochleæ cartilagineum.

Fig. 22. Naturalis magnitudo ossis temporum ex foetu quatuor mensium.

- a Processus primus mallei & crus incudis longum.
- b Osiculum orbiculare.
- c Tuber cochleæ osseum.
- d Foramen rotundum.
- e Sulcus pro carotide interna.
- f Processus styloideus.
- g Annulus.

h Sub-



h Substantia cartilaginea partis petrosæ.

i Pars squamosa.

k Substantia ossea partis petrosæ.

Fig. 23. Naturalis magnitudo ossis temporum ex foetu quinque mensium.

a Mallei primus processus.

b Crus incudis longum.

c Ossiculum orbiculare, inter crus longum incudis & caput stapedis situm, apparet simul crus stapedis posterius.

d Canalis pro musculo stapedis.

e Foramen rotundum.

f Processus styloideus extra situm.

g Sulcus pro carotide interna.

h Canalis pro musculo Eustachii.

i Annulus.

k Substantia cartilaginea.

l Fissura.

m Chorda tympani.

Fig. 24. 25. Canalis Fallopii cum canale pro musculo stapedis ex infante.

26. 27. lidem canales ex adulto.

24. 26. Canales aperti in superficie anteriori, quæ tympani cavitatem respicit.

25. 27. Canales aperti in superficie posteriori, quæ labyrinthum respicit.

a. a. a. a. Canalis Fallopii, qui ab hiatu usque ad foramen stylo-mastoideum delineatus est.

b. b. b. b. Foramen stylo-mastoideum in fig. 24. 25. clausum; in fig. vero 26. 27. apertum sistitur.

c. c. c. c.



c.c.c.c. Canalis pro stapedis musculo.

d.d.d.d. Septum inter canalem Fallopii & canalem pro stapedis musculo.

Fig. 26. 27. lit. e.e. Foramina pro ramis portiois duræ.

Fig. 26. lit. f. Arteria, quæ canalem Fallopii per hiatum ejus intrat.

g Arteria quæ hunc canalem per foramen stylo-mastoideum intrat, & a carotide externa oritur.

Fig. 27. lit. f. Canalis pro chorda orificium inferius.

Fig. 28. Mensura, qua pars cavitatis tympani anterior in adulto expanditur.

Fig. 29. Eadem mensura in infante.

Fig. 30. Uncia in duodecim partes sive lineas divisa, quarum unicarum duodecim, pedem Rhenanum conficiunt.

### Emendanda.

Pag.	2. lin. 10.	officulorum adde canales horum musculorum.
	3. 8.	Squamosa lege squamosa.
12.	8.	in margine styloïdus l. styloïdeus.
20.	9.	de l. fe.
ead.	19.	ei l. fibi.
25.	2.	productioni. vid. Tab. 1. fig. 1. lit. β.
29.	6.	adullo l. adulto.
34.	7.	paullo. l. paulo.
40.	in notis lit. p. loco Tab. 2. &c. lege Tab. 1. fig. 1. lit. γ.	
45. lin. 17.	in margine lilimacum l. limacum.	
50.	2.	in margine officala l. offacula.
Tab. 3. fig. 30.	dimidia linea justo brevior est.	